

淵鑑類函

卷一百十八之卷二百二十

淵鑑類函卷一百十八

封爵部一

封爵總裁

親戚封

封爵總裁一

**原**杜氏通典曰昔黃帝旁行天下分建萬國至于唐虞

別為五等曰公侯伯子男則虞書所謂輯五瑞脩五玉

是其制也

五瑞即公侯伯子男之瑞珪璧也五玉亦五等諸侯所執之玉

夏與唐虞同

殷制天子之畿方千里公侯百里伯七十里子男五十

里不能五十里者不合于天子附于諸侯

鄭元云此地殷所因夏爵

三等之制

凡四海之內九州州方千里州建百里之國三十

七十里之國六十五十里之國百有二十凡二百一十

國名山大澤不以封其餘以爲附庸閒田凡九州千七百七十三國千里之外設方伯五國以爲屬屬有長十國爲連連有帥三十國爲卒卒有正二百一十國以爲州州有伯八州八伯五十六正百六十八帥三百三十六長八伯各以其屬屬於天子之老二人分天下以爲左右曰二伯千里之內曰甸千里之外曰采周制封王者後凡有功之諸侯大者地方五百里侯四百里伯三百里子二百里男百里

所因殷之諸侯亦爲黜陟之其小者皆益之地爲百里是

以周有爵尊而國小爵卑而國大者唯天子畿內不增

而方千里曰王畿其外方五

百里曰侯服又其外方五百里曰甸服又其外方五百

里曰男服又其外方五百里曰采服又其外方五百里

曰衛服又其外方五百里曰蠻服又其外方五百里曰

夷服又其外方五百里曰鎮服又其外方五百里曰藩

服周之初列爵唯五公侯伯子男分土唯三公侯方百

里伯方七十里子男方五十里並因殷制至周公攝皆五等公五百里云云

使人以德爵以功謂縣內及列國諸侯為天子未賜爵

視天子之元士以君其國列國及縣秦制爵二十等

以賞功勞二十徹侯十九關內侯顧師古曰言有侯號

前綽百官表注曰時六國未平將帥皆家關中故以

為號劉昭曰關內侯無土寄食在所縣民租多少各有

戶數為限如淳釋曰列侯出關就國也但爵其身有家

累者與之關內之邑食其租稅又有倫侯建成侯趙

封爵部

開蓋頁而卷一百

封爵總載

二



亥昌武侯馮無擇是也但有封名而無食邑戰國之際  
秦項之間權設班寵有加賜邑君者蓋假其位號或空  
受其爵耳則田嬰為清郭君白起為武安君魏冉弟為  
華陽君秦昭王弟為涇陽君及高陵君蔡澤為剛成君  
其後項梁為武信君陳餘為成安君李左車為廣武  
君之類是也至漢尤多蓋在封爵之外別加美號也

漢興設爵二等曰王曰侯皇子而封為王者其實古諸  
侯也故謂之諸侯王王子弟封為侯者謂之諸侯羣臣  
異姓以功封者謂之徹侯大者不過萬家小者五六百  
戶以為差降古分土而無分民自漢始分民而諸王國  
皆連城數十踰於古制其諸侯功德優盛朝廷所敬異  
有賜特進者其位在三公下其次列位有功德天子命  
為諸侯者謂之朝侯其位次九卿下皆平冕文衣侍祠

郊廟其稱侍祠侯者但侍祠而無朝位其非朝侯侍祠而以下土小國或以肺腑宿親若公主子孫或奉先侯墳墓在京師者亦隨時見會謂之隈諸侯凡諸侯王皆金璽盤綬

古者印璽通名今則尊卑有別

掌治其國王常冠遠遊冠綬

五采而多朱自稱曰寡人教曰令又令諸王得推恩封

子弟爲列侯於是齊分爲七趙分爲六梁分爲五淮南分爲三又令諸侯十月獻酎金不如法者國除其縣邑皆別屬他郡千戶置家丞不欲者聽之作左官之律附益之法自後諸侯王唯得衣食租稅至成帝綏和元年

省內史更令相治民

大司空何武奏罷內史相如太守中尉如都尉參職是後中尉爭權

與王相常不和漢初論功封列侯者凡百四十有三人蕭何外

戚與定天下侯者二人凡列侯金印紫綬大者食縣小

者食鄉亭得臣其所食吏民食邑者除租每戶一歲更

輸錢二百後漢爵亦二等皇子封王其郡為國其列

侯雖鄧寇元勳所食不過四縣為侯國舊制列侯奉朝

請在長安者皆位次三公中興以來唯以功德賜位特

進者次車騎將軍賜位朝侯次五校尉賜位侍祠侯次

大夫其餘以肺腑及公主子孫或奉墳墓亦為隄諸侯

明帝為四姓小侯開立學校置五經師外戚樊氏郭氏

弟立學號曰四姓小侯以非列侯故諸王封者受茅土

曰小侯禮記曰庶方小侯亦其義也

歸以立社

胡廣曰諸侯受封皆受茅土歸立社稷本朝爲宮室自有制度

罪侯歸國不

得臣吏民至獻帝建安初封曹操爲費亭侯亭侯之制

自此始也二十年曹公始制名號侯至五大夫與舊列

侯關內侯凡六等以賞軍功

魏黃初三年初制封王

之庶子爲鄉公嗣王庶子爲鄉侯公之庶子爲亭伯其

後定制凡國王公侯伯子男六等次縣侯次鄉侯次亭

侯次關內侯又置名號侯爵十八級關中侯爵十七級

皆金印紫綬關外侯爵十六級銅印龜紐墨綬五大夫

十五級銅印環紐亦墨綬自關內侯皆不食租虛封爵

自魏始

晉亦有王公侯伯子男六等之封

晉令有開國郡公縣

公郡侯縣侯伯子男及鄉亭關中關內外等侯爵凡九等武帝受禪之初秦始皇元年

封建子弟爲王二十餘人以郡爲國邑二萬戶爲大國

置上中下三軍兵五千人邑萬戶爲次國置上軍下軍

兵三千人邑五千戶爲小國置一軍兵千五百人王不

之國宮於京師罷五等之制公侯邑萬戶以上爲大國

五千以上爲次國不滿五千戶爲小國初雖有封國而

王公皆在京師咸寧三年詔徙諸王公皆歸國時楊珧荀勗以

齊王攸有時名懼惠帝有後難乃追故司中尉領其兵空裴秀立封建之旨遂詔王公悉令歸國

平原汝南琅邪扶風齊爲大國梁趙樂安燕安平義陽

爲次國其餘爲小國皆制所近縣益滿萬戶又爲郡公

制度如小國王中尉領兵郡侯如不滿五千戶王置一軍千一百人亦中尉領之於時唯特增魯國公戶邑追進封故司空博陵公王沈爲郡公鉅平侯羊祜爲南城郡侯又南宮王丞隨王萬各於泰始中封爲縣王邑千戶至是改正縣王增邑爲三千戶制度如郡侯亦置一軍自此非皇子不得爲王而諸王之支庶皆王家之近屬至親亦各以土推恩承其大國次國始封王之支子爲公承封王之支子爲侯繼承封王之支子爲伯小國五千戶始封王之支子及始封公侯之支子皆爲男非此皆不得封其公之制度如五千戶國侯之制度如不

滿五千戶國亦置一軍千人中尉領之伯子男以下各有差而不置軍大國始封之孫罷下軍曾孫又罷上軍次國始封之孫亦罷下軍其餘付以一軍爲常大國中軍二千人上下軍各千五百人次國上軍二千人下軍千人其未之國大國置守士百人次國八十人小國六

十人郡侯縣公亦如小國制度既行所增徙各如本奏

既遣就國而諸公皆戀京師涕泣而去及吳平後齊王攸遂之國

凡名山大澤不以封

鹽鐵金銀銅錫始平之竹園別都宮室園囿皆不爲屬國其仕在天朝者與之國同諸入作卿士而其世子年已壯者皆遣莅國其王公侯以下茅社符璽車旗命服

一如秦始故事凡王金印龜紐練朱綬遠遊三梁冠絳

紗朝服佩山元玉

開國郡公縣公金章阜朱絨綬郡侯青朱綬同進賢三梁冠絳朝服佩山

元玉開國縣侯伯子男金章朱墨綬冠玉亦同

初武帝踐阼封宣帝孫永爲東

莞郡王始置二卿侯以下置官屬隨國大小無定制諸

侯並三分食一東晉元帝大興元年始制九分食一

元帝以西陽王羨屬尊元會特爲設牀明帝以羨王室元老特爲之拜

宋氏一用晉制

凡王子爲侯者食邑皆千戶諸王世子皆金印紫綬進賢兩梁冠佩山元玉初江夏王義恭爲孝武所忌憂懼故奏革諸侯廳事不得南向坐國官正冬不得跣登國殿及夾侍障扇不得雉尾劔不得鹿盧形但馬不得過



二諸侯常行車前後不得過六隊

白直夾隊不在其限

刀不得過

銀銅爲飾諸王子繼體爲王者婚葬吉凶悉依諸國公

侯之禮不得同皇弟皇子

至孝建中凡國官屬不得稱臣於其主改稱下官

齊封爵史闕

梁封爵亦如晉宋之制諸王皆假金獸

符第一至第十九諸公侯皆假銅獸符竹使符第一至

第五名山大澤不以封鹽鐵金銀銅鐵錫及竹園別都

宮室園囿皆不以屬國諸王言曰令境內稱之曰殿下

公侯封郡縣者言曰教境內稱之曰第下自第下稱皆

曰寡人相以下公文上事皆詣典書世子主國其文書

表疏儀式如臣而不稱臣文書下郡官皆言告諸王公

侯國官皆稱臣上於天朝皆稱陪臣有所陳皆曰上疏  
其公文曰言事 陳置九等郡有王嗣王藩王開國郡

縣公開國縣侯開國縣伯開國縣子開國縣男沐食侯  
鄉亭侯關內侯關外侯凡十二等鄱陽王之封也遣度  
支尚書蕭睿持節兼太宰告於太廟五嶽尚書王質持  
節兼太宰告於太社凡親王起家則為侍中若將軍方  
得有佐吏無將軍則無府止有國官皇太子子冢嫡者

封王依諸王起家餘子並封公起家中書郎諸王子並

諸侯代子起家給事 王公子起家員外散騎侍郎令僕  
子起家秘書郎若員滿亦為板法

曹雖高半階資給秘書郎下次令僕子起家著作佐郎  
亦為板行參軍此外若有諸州主簿太學博士國常侍

奉朝請嗣王府參軍  
並起家官未令發詔

後魏有王開國郡公散公侯散

侯伯散伯子散子男散男凡十二等道武皇始元年始  
封五等至天錫元年減五等之爵始分爲四曰王公侯  
子除伯男之號皇子及異姓元功上勲者封王皇族及  
始藩王皆降爲公諸公降爲侯侯子亦以此爲差於是  
封王者七十人公者二十二人侯者七十九人子者百  
有三人王封大郡公封小郡侯封大縣子封小縣其後  
復加伯男焉 北齊有王公侯伯子男六等與爵王位  
列大司馬上非親王則在三公下封內之調盡以入臺  
三分食一公以下四分食一 後周制封爵郡縣亦有

公侯伯子男五等爵者皆加開國授柱國大將軍開府儀同者並加使持節大都督 隋開皇中制國王郡王

國公郡公縣公侯伯子男凡九等

樊子蓋進爵封為濟公言其功濟天下特

為立名無此郡國

至煬帝唯留王公侯三等餘並廢之皇伯叔

昆弟皇子是為親王 唐有國王郡王國公郡公開國

郡公縣公開國侯伯子凡九等高祖初受禪以天下未

定廣封宗室從弟及姪年始孩童者數十人皆封為郡

王太宗即位謂侍臣曰徧封宗子於天下便乎尚書右

僕射封德彝對曰不便歷觀往古封王者今日最多兩

漢以降唯封帝子及親兄弟若宗室疎遠者非有大功

如周之郇滕漢之賈澤並不得濫叨名器所以別親疎也先朝敦睦九族一切封王爵命既崇多給力役蓋以天下爲私殊非至公馭物之道也太宗然之於是率以屬疎爵降唯有功者數人得王餘並封縣公貞觀十一年六月詔荆王元景等二十一王爲諸州都督刺史咸令子孫代代承襲非有大故無或黜免其後並不願行乃止後定制皇兄弟皇子爲王皆封國之親王

龍朔二年制諸

王子嫡者封郡王任職從四品下敘其衆子封郡公從五品上敘貞觀中王珪奏曰三品以上遇親王於塗皆降乘違法申敬有乖儀准太宗曰卿皆自尊而卑吾子乎魏徵曰自古迄今親王班次三公之下今三品皆天子列卿及八座之長爲王降乘非王所宜當也詔從之

太子男封郡王其庶姓卿

士功業特盛者亦封郡王

自至德元年至大曆三年封異姓為王者凡百一十二人

其次封國公其次有郡縣開國公侯伯子男之號亦九

等並無官土其加實封者則食其封分食諸郡以租調

給

自武德至天寶實封者百餘家自至德二年至大曆三年食實封者三百六十五家凡食四萬四千八百

六十

戶開元四年三月制諸封國自始封至曾孫者其封

戶三分減一十年凡諸王以下所食封邑皆以課戶充

州縣與國官邑官共執文帳准其戶數收其租調均為

三分其一入官其二入國公所食邑則全給焉二十年

五月敕諸食邑實封並以三丁為限不須一分入官其

物仍令封隨庸調送入京

**增**文獻通考曰封爵之差

唐制王食邑五千戶郡王國公三千戶開國郡公二千  
戶縣公千五百戶伯七百戶子五百戶男三百戶又有  
食實封者給縑帛每賜爵遞加一級唐末及五代始有  
特加邑戶而罷實封之給又去縣公之名封侯以郡宋  
朝沿其制文臣少卿監以上內職崇班以上有封爵丞  
相學士刺史大將軍諸司使以上有實封但以增邑數  
為差不繫爵級邑過其爵則并進爵焉止於開國郡公  
每加食邑自千戶至二百戶實封自六百戶至百戶皆  
六等親王重臣或特加有踰千戶者

郡公食邑有累加至萬餘者實封至

數千者又於王爵之上有國王及西平南平之號皆非常典所加

凡加食邑宰相千戶

實封四百戶餘降麻官七百戶實封三百戶直學士以上五百戶實封二百戶舍人待制散尚書至少卿監以上實封一百戶食邑三百戶封縣開國男五百戶封子七百戶封伯千戶封郡侯二千戶封公千五百戶以上始加實封惟將相食邑萬戶即開國亦或謙而不就者

宋仁宗慶曆七年郊惟夏竦滿萬戶中書請封英國公

因詔使相未滿萬戶皆得封皇屬有特封郡公縣公或

贈侯者無開國字

侯無開國字在開國郡公之上

開寶以來伐國降主

及外臣叛命赦不誅者亦封侯皆因名以著罪焉

開寶四年

劉鏐封恩赦侯九年李煜封違命侯淳化五年趙保中封宥罪侯

又采秦制賜民爵曰

封爵

開國

封爵總載



公士其王公以下封國之名舊有大次小三等以為進

封之次然或封拜又有權升次小者為大國者淳化五年九月

詔升壽為大國列於晉之下燕之上咸平六年八月故

寬王追封安王升安為大國景德二年八月故雍王追

封鄆王乃升鄆為大國大中祥符七年五月故舒王追

封曹王乃升曹為大國乾興元年三月追封鄧申冀三

大長公主並景祐中詔春秋秦漢以來及皇朝所封舊

名分別大次小三等以為定制焉太祖時詔晉王太宗齊

王廷美武功郡王昭德朝會班宰相上太宗太平興國八年

詔自今宰相序立宜在親王上宰相宋琪李昉等頓首

言漢法丞相在諸侯王下請入舊制不許自燕王薨

祖宗之後未有封以王爵者慶曆四年以富弼建議遂

次第封拜封德文東平郡王濮王汝南允弼北海允良  
華原郡王從藹英國公從煦安國公宗說祁國公宗保  
建安郡公宗達恩平郡公守望清源郡公辛巳詔德文  
等十人並列本班之上少前 卮言曰宋祖之取天下  
易於反掌而獨運籌策削平僭偽當時佐命諸臣如石  
守信高懷德皆一時推戴之誠耳其參謀密勿勘定四  
方者不過趙普曹彬潘美數人非有蕭曹良平之竒房  
杜魏徵之識韓彭英衛之勞也而藩鎮之歸附者皆因  
其本爵授之故封典闕焉其後惟崇文事不尚武功雖  
以李繼隆狄青之勲未有封爵而文臣至於宰執則無

不封國公者矣漢法非軍功不侯而宰相封侯者班史  
列之恩澤傳蓋彼以分封為重此以名器為重古今異  
變不可以槩論也 又曰遼之封爵惟有國王郡王國

公三等郡名率以漆水柳城混同蘭陵亦如宋高密建  
安之類國名則屢進屢改有加至二國者其初宗室與  
勲戚無異道宗太康五年十一月詔惟王子封一字王  
餘並削降蓋虛崇爵號大略如宋制而食邑戶數亦不  
可考矣

遼之外戚多以功  
封非盡由恩澤也

續文獻通考曰金熙宗天

眷元年十月始定封國制其制屬於吏部凡封王大國

號二十曰恒

明昌二年以漢遼唐宋梁殷楚類皆昔  
有天下之號不宜封臣下遂皆改之

邵

舊為汴秦舊為鎬秦舊為并漢舊為益漢舊為彭齊舊為趙越譙舊為

殷楚舊為郢魯冀豫絳舊為充鄂舊為夔蜀舊為宛陳舊為曹

次國三十曰涇隋舊為鄭衛韓潞函藩岐代澤徐滕薛紀

昇舊為邢翼豐畢鄧鄆霍蔡瀛按金格葛當在此沂荆榮英壽

溫小國三十曰濮遂濟舊為道定景後改申崇宿息莒鄴

郃舒淄邲萊舊為宋以避諱改之鄆郟杞向管舊為郟興定元年改密胙任

載輦將士民須知曰舊為葛蕭莘芮封王之郡號十金源廣平平

原南陽常山太原平陽東平安定延安封公主之縣號

三十樂安清平蓬萊滎陽棲霞壽光靈仙壽陽鍾秀惠

和永寧慶雲靜樂福山隆平德平文安福昌順安樂壽

靜安靈壽大寧聞喜秀容宜芳真寧嘉祥金鄉華原其  
封爵正從品級高下正從一品曰郡王曰國公正從二  
品曰郡公正從三品曰郡侯正從四品曰郡伯正五品  
曰縣子從五品曰縣男凡食邑封王者萬戶實封一千  
戶郡王五千戶實封五百戶國公三千戶實封三百戶  
郡公二千戶實封二百戶郡侯一千戶實封一百戶郡  
伯七百戶縣子五百戶縣男三百戶皆無實封 又曰  
元宗室駙馬通稱諸王歲賜之頒分地之大所以盡夫  
展親之義者亦優且渥然初制簡朴位號無稱惟視印  
章以爲輕重厥後遂有國邑之名而印章之等猶前日

也 又元制封一字王者金印獸紐兩字王者金印螭紐次有金印駝紐金鍍銀印駝紐金鍍銀印龜紐有止用銀印龜紐等級不同如此又同姓有無國邑而稱王者但曰宗王 元初以親王分封西北其地極遠去京師數萬里以故其地莫得而詳如寧肅王脫脫者太祖長子朮赤太子之第五子也不載何時封王而見之表中脫脫薨弟月即別嗣至元二年遣使表求分地歲賜以賑給軍站京師元無所領至大元年月即別薨子札尼別嗣其位下舊賜平陽晉州永州分地歲賦中統鈔二千四百定自至元己卯歲始給之 明洪武三年詔

立長子標爲皇太子封第二子椿爲秦王次桐晉王棣  
燕王橚吳王楨楚王樽齊王樟潭王杞趙王檀魯王姪  
孫守謙靖江王皆授以冊寶設置相傳官屬及諸禮儀  
八年定諸王宗人祿米每歲親王五萬石靖江王二萬  
石郡王六千石郡王諸子年十五人賜田六十頃爲永  
業除其租九年定王府官制又定諸王及公主歲供之  
等十七年更定冊寶親王俱授以金冊金寶王妃止授  
金冊不用寶皇太子之次嫡子並庶子年十歲皆封郡  
王授以塗金銀冊銀印親王嫡長子年十歲立爲王世  
子授以塗金銀冊銀印次子及庶子年十歲皆封郡王

冊印亦如之郡王次子授鎮國次孫輔國次曾孫奉國  
皆將軍凡三等次元孫鎮國次五世孫輔國次六世孫  
奉國皆中尉凡三等親王女曰郡主郡王女曰縣主孫  
女曰郡君曾孫女曰縣君元孫女曰鄉君凡五等靖江  
王府視郡王降一等

封爵總載二

**原**周易曰我有好爵吾與爾縻之 又曰利建侯 尚  
書曰爵罔及惡德惟其賢 周禮曰諸公之地封疆方  
五百里其食者半諸侯之地封疆方四百里其食者參  
之一諸伯之地封疆方三百里其食者參之一諸子之



地封疆方二百里其食者四之一諸男之地封疆方百  
里其食者四之一 又曰王作六瑞以等邦國公執桓  
圭侯執信圭伯執躬圭子執穀璧男執蒲璧 又曰典  
命掌諸侯之五儀諸臣之五等之命上公九命其國家  
宮室車旗衣服禮儀皆以九爲節侯伯七命其國家宮  
室車旗衣服禮儀皆以七爲節子男五命其國家宮室  
車旗衣服禮儀皆以五爲節 左傳曰齊莊公爲勇爵  
殖綽郭最欲與焉州綽曰東閭之役臣左驂迫還於門  
中識其枚數其可以與乎公曰子爲晉君也對曰臣爲  
隸新 逸周書曰能移於衆與百姓同謂之公 又曰

能樹名生物與天道俱謂之侯 又曰齊衆時作謂之  
伯 白虎通曰景風至爵有德封有功 又曰受命之  
王致太平之美羣臣上下之功故盡封之及中興征伐  
大功皆封盛德之士亦封之以德封者必試之為附庸  
三年有功因而封之五十里元士有功者亦為附庸也  
其位大夫有功成封五十里卿成封七十里公成封百  
里 又曰王者即位先封賢者憂民之急也故列土分  
疆非為諸侯張官設府非為卿大夫皆為民也 孝經  
援神契曰侯侯也所以守蕃也 孟子曰有天爵有人  
爵仁義忠信樂善不倦此天爵也公卿大夫此人爵也

古之人脩其天爵而人爵從之今之人脩其天爵以要人爵既得人爵而棄天爵則惑之甚者也 呂氏春秋

曰太公望封於齊周公旦封於魯二君者甚相善也相謂曰何以治國太公望曰尊賢上功周公曰親親上恩太公曰魯自此削矣周公曰魯雖削有齊者亦必非呂氏也其後齊日以大至於霸二十四世而田氏有齊國魯日以削至於僅四十四世亡 管子曰爵不尊祿不重者不與圖難犯危以其道爲未可以求之也是故先王制軒冕足以著貴賤不求其美設爵祿足以守其服不求其親使君子食於道小人食於力 淮南子曰爵

祿者人臣之銜轡也 袁子曰今有卿相之才居三公之位脩其政治以寧國家未必封侯也今軍政之法斬一牙門將者封侯夫斬一將之功孰與安寧天下者乎夫斬一將之功者封侯失封賞之意也 商君書曰明王之所貴唯爵爵賞不榮其民不急列爵不顯則民不事爵易得則民不貴祿賞不道則民不以死爭位也 又曰凡人主之所以勸民者官爵也國之所以興者農戰也今民求官爵皆不農戰而以功言虛道此謂勞民者其國必削 鹽鐵論曰昔太公封營丘之墟辟草萊而居焉地薄人少於是通利末之道極女工之功是以

鄰國交於齊財蓄貨殖世爲疆國管仲相桓公襲先君業輕重之變南服彊楚而霸諸侯 史記曰殷以前尚矣周封五等公侯伯子男然封伯禽康叔於魯衛地各四百親親之義褒有德也太公兼五侯地尊勤勞也

又曰騶忌見威王王說之三月而受相印淳于髡見之

曰善說哉髡有愚志願陳諸前髡說畢趨出至門而面其僕曰是人者吾與之微言五其應我若響之應聲是必封不久矣 漢書曰李廣與望氣王朝語曰漢擊匈

奴廣未嘗不在其中而諸侯校尉以下材能不及中以軍功取侯者數十人廣不爲後人然終無尺寸功以

得封邑者何也豈吾相不當侯耶朔曰將軍自念豈嘗有所恨者乎廣曰吾為隴西太守羌嘗反吾誘降八百餘人詐而同日殺之至今恨獨此耳朔曰禍莫大於殺已降此乃將軍所以不得侯也漢官儀曰皇后父兄

率為特進侯朝會位次三公故章帝啓馬太后曰漢興舅氏之封侯猶皇子之為王其功臣四姓為朝侯侍祠侯皆在卿校下漢雜事曰天子太社以五色為壇封

諸侯者取其土苴以白茅授之各以所封方之色以立社於其國故謂之受茅土漢興唯皇子封為王者得茅土其他臣以戶賦租入為節不受茅土不立社東觀

漢記曰上封功臣皆爲列侯大國四縣餘各有差博士  
丁恭等議曰古帝王封諸侯不過百里故利以建侯取  
法於雷強榦弱枝所以爲治也今封諸侯四縣不合法  
制上曰古之亡國皆以無道未嘗聞功臣地多而滅亡  
者乃遣謁者即授印綬 又曰馮勒使典諸侯封事勤  
差量功次輕重國土遠近地勢豐薄不相踰越莫不厭  
服焉自是封爵之制非勤不定 後漢書曰張安世自  
昭帝時封爲富平侯傳國至八代孫吉無嗣國除經歷  
篡亂二百年間未嘗譴黜封者莫與爲比 百官表注  
曰五等諸公周官金章朱綬朱質四采元文織百四十

首廣尺四寸長一丈六尺朝服進賢三梁冠官品第二  
地方七十五里位視三公班次邑三千八百戶國秩絹  
千八百匹妾六人車前司馬十四人旅賁五十人 又  
曰縣侯漢官也自縣侯而下通號列侯金章紫綬朝服  
進賢三梁冠官品第三光武中興論功封大功臣吳漢  
鄧禹各四縣賈復朱浮三縣耿弇等二十九人 又曰  
縣侯有家丞庶子之官列侯皆亦如之 漢官解詁曰  
列侯本爲徹侯避武帝諱曰通侯舊時文書或爵通侯  
是也後更曰列侯今俗人或都言諸侯乃王爾非此也  
列侯歸國不受茅土不立宮室各隨貧富裁別庶以守



其寵

環濟要略曰爵有五等公者無私也故文背公

為公

又曰伯把也把持政事也

又曰子猶孳孳恤

下之稱也

又曰男任也任治政事受王命為君也

謚法曰執應八方曰侯

相書曰天中容半印封侯

又曰天中正白如刀者封侯

**禮**周罔封建論曰割裂

州國分王子弟封三代之後報功臣之勞士有常居民

有定主枝葉相扶首尾為用

賈誼曰夫欲天下之治

安莫若衆建諸侯而少其力

劉向諫成帝曰臣聞公

族者國之枝葉枝葉不茂則本根無所托庇 今狐德

蔡曰分命賢戚布於内外料其輕重間以親疎首尾相

持遠近爲用使其勢位足以扶危權力不能爲亂事業  
既定僥倖自息 唐太宗曰不井田不封建不足以法  
三代之治 唐劉秩曰古者公侯受封之地雖多而制  
祿不過十倍其卿成國不過半天子之軍名山大澤不  
以封必賜弓矢然後征必賜珪瓚然後鬯有巡狩有述  
職有慶有讓 又曰封建者古帝之所以建萬世之長  
策必以三代之公心行三代之良法乃可不則非君上  
之利非百姓之利並非受封者之利也 歐陽脩曰救  
土崩之難莫若建諸侯削尾大之勢莫若置守宰 又  
曰封建湯武之不得已也 柳宗元曰封建更古聖王

而莫能去之蓋非不欲去之也勢不可也勢之來其生人之初乎不初無以有封建封建非聖人意也 胡寅

曰封建與天下共其利天道之公也 吳萊曰井田小

封建也封建大井田也 馬端臨曰必有公天下之心

然後能行封建無則莫若郡縣 又曰秦漢以來所謂

列侯者非但食其邑入而已可以臣吏民可以布政令

若關內侯則惟以虛名食廩祿而已景武而後始令諸

侯王不得治民不過食其所封之邑入况列侯乎 又

曰至東都始有未與國邑先賜美名例如靈壽王征羌

侯之類明帝有四姓小侯乃樊鄠陰馬外戚子弟也又

肅宗賜東平王蒼列侯印十九枚令王子年五歲以上者皆帶之

山堂肆考曰易稱建萬國親諸侯蓋親賢兼封也

又曰漢諸侯王表漢興之初海內新定同姓寡少懲亡秦孤立之敗於是剖裂疆土立二等之爵功

臣侯者百有餘邑尊王子弟大啓九國諸侯比境周匝

三垂天子自有三河凡十五郡公主郡侯俱邑其中而

藩國之大者跨州兼郡連城數十宗室百官同制京師

可謂矯枉過其正矣

呂覽曰神農封建彌近彌大彌遠彌小海上乃有十里之邦

蘇軾曰傳稱武王克商兄弟之國者十有五人姬姓之國者四十人爵五品而

土三等蓋千八百國周室既衰轉相吞并春秋之世見於經傳者總一百二十四國

封爵總載三

**原**建德

策勲

天子建德注德有德諸侯建善則治

制域

連城

周禮

凡建邦國以土圭其地而制其域後漢竇融辭封曰子頑鈍不可連城廣土詳遜讓封

賜履

執圭

賜我先君履注所踐履之界也公執桓圭詳前二

正封

就國

天子建國

諸侯正封封疆有定也史尚父封齊就國道宿行遲逆旅人曰客寢甚安殆非就國也時難得易失太公聞

遂夜衣而行比至果萊人來伐爭營丘

藩屏

夾輔

左傳封建親戚以藩屏周夾輔周

建置

懷柔

又子產云建置豐氏又周之有懿德也猶曰莫若兄弟故封建之其懷

柔天下也猶懼有外侮

陪敦

昵近

陪多敦厚昵親也

躋爵

高爵

漢書疏爵貴之  
詔公乘已上皆高爵也

漢高

啓爾宇

圖爾居  
詩大啓爾宇又我

圖爾居莫如南  
土封申伯也

告后土

私湯沐

周禮大宗伯王大封則先告后土

漢高時大饑自天子至封君其湯沐  
邑各為私奉養不領於天下之經費

封都鄉

封不

義

史闕澤字德潤以儒學勤勞封都鄉侯彭寵蒼頭子密殺寵請闕封不義侯

桐圭之戲

鵠印之封

成王戲剪桐葉為圭封唐叔詳後親戚封中下張顯事

脈膳之禮

帶礪之誓

周禮以脈膳之禮親兄弟之國下詳後國及苗裔注

世及之祚

國除之典

立子孫也制有罪者國除

封以土地

錫之山川

周禮典瑞土圭以致四時日月封國以土地注度地封諸侯以土圭測日景觀分寸長短制其域也

列爵惟五

分土惟三

周禮五等諸侯也

親

踈並建

功德有加

宗無雜居禮有

十有五人

封爵部

封爵部

封爵部

三十六郡

武王克商建兄弟之國十有五而鎮之李斯曰諸

子功臣重賞賜之甚易制天下無異意安寧之術也置諸侯是樹兵本也始皇曰廷尉議是遂分天下為三十

郡

不削而弱

當刑而王

主父偃欲削諸侯權請推恩封子弟人人喜不削而

弱

黠布少時人相曰當刑而王後果坐法黠布心喜之

天誘歸國

地足容人

削

穀梁古者天子封諸侯其地足以容其人

同姓

異姓

益地削地

周禮同姓以封異姓以封禮諸侯有功則益地取開田以益之有罪則

削地削地歸之開田

降虜悉封

渡遼擅封

景帝欲封降虜王徐盧等五人丞相

亞六議不可帝悉封封單于兄塗奴為羌侯

後漢梁懂為渡遼將軍擅

不

得專封

惟乃服命

穀梁城楚丘封衛非天子不得專封雖通其仁義而不與故曰仁不

勝道

疇其爵邑

脩其禮物

疇者算邑不復減也

不合於天子

庸建於上公

不合於天子附於諸侯曰附庸注以國附於大國不能自以行其道也下尚

書

曲阜方七百里

樂鄉多四百頃

禮成王以周公

是以封周公於曲阜之地方七百里革車千乘漢匡衡字稚圭為丞相封僮之樂安鄉郡國誤分界多四百頃衡後封臨淮郡之國遣人之僮收田租穀九千石司隸劾衡專地盜土以自益免為庶人有分

土無分民 出六竒益六邑

地理志分民謂計若千戶下陳平事

建

立子孫

藩屏社稷

漢書高皇

錫以土田

命之車服

建邦啓土

裂地開國

史

義先立愛

仁不遺親

建賢立德

錫壤開封

綏麟趾之族

廣犬牙之封

厚骨肉之恩

重山河之誓

宗子維城之固

本

枝磐石之安

齊胙太師永表東海

晉登侯伯大啓



南陽

太公公也

分茅錫土地列犬牙

疏爵建侯位崇

龍額

龍額定遠並封侯

周建懿親五等列爵

漢封異姓八

國皆王

禹祖定天下功臣封八國諸侯王也

周室將遷必依晉鄭之國

漢家保定亦因齊楚之功

五等開封周乃寵諸兄

弟 七王建國漢則祚及子孫

**增**分土而開者九國

當高祖之初 同日而立者三王在孝武之世

沛公

矜嚴 東平智惠

周位卿士以同姓

唐列宗室於

輔臣

授桐貽緒

訓梓垂芳

稟潤天潢

承暉日

觀 雅道貴於東平

文藝高於北海

楚詩蚤習

沛易先通

齊衡兩獻

比迹二南

周公族多聯三

司 唐台司亦用九人 且奭兼師保之任 勉石稱

宰輔之賢

以上俱  
玉海

謹文王安否之問敢怠帥行 書

唐宗仁孝之詩仰祈札賜 姬姓作蕃未成人而賜履

漢宗受社方在祿以錫封 世祖推恩長安立六子

之宅 明皇廣愛華清建百孫之居 將以鼓鐘對峙

黃麾之仗 授以璽紱交輝青輅之旅 貴爵名城寵

冠公侯之上 高牙大旆榮兼將相之崇 深根固本

以扶不拔之基 強榦弱枝以闡無窮之祚 丕衍洪

圖 茂膺顯冊 烈祖文孫 皇枝帝載 任事而爵

論功以封 有光帝載 昭宣廟謨 命以圭社

崇其禮物 列爵以旌德 胙土以報功 視儀數於

三台 超爵名於五等 河間禮樂 江夏忠勤

### 封爵總載四

**原爵**以馭貴周禮太宰職云一爵以辨貴禮記中庸

所以辨貴賤也以賢制爵周禮司徒職云以賢制爵則民慎德也以德詔爵

司士職云著德極才白虎通云必封諸侯何重民之至也

民以著其德極其才上以尊天子論功封爵晉百官表注云

稱藩輔下以子養百姓施行其道懷萬邦易王三錫命建萬國

高祖定天下論功封爵一百三十有三人懷萬邦也

易建侯樹屏書開國承家易以蕃王室書蕃

衛天子史記高祖功臣表序云書曰協和萬國遷于夏商或數千歲蓋周封八百幽厲之後見於春秋

尚書有唐虞之侯伯歷三代千有餘載自全以蕃衛天子豈非篤於仁義奉上法哉

取象剛柔

晉百官表注云王者之制公侯伯子男五等

取法於雷

詳前

國及苗裔

史記功臣表序云封爵之誓曰使黃河如帶泰山如礪國以永寧爰及苗裔

也河當何時如衣帶山當何時如砥石言如帶砥國乃絕耳

制始黃唐

見陸機論立

爵五等

晉百官表注云周道興隆三聖制法立爵五等封國八百親親建國則周公宅魯康叔啓衛賢

賢表德則太公封齊也

制土三等

白虎通云制土地三等何因土地有高下中三等

剖符之封

析圭之爵

司馬相如喻巴蜀檄云夫邊郡之士觸白刃冒矢石人懷怒心

如報私讎故有剖符之封析圭而爵位為通侯居列東第

大侯萬家

史記高祖功臣表序云漢

輿功臣受封者百有餘人天下初定故大城名都散亡戶口可得而數者十二三是以大侯不過萬家小者五

六百

地方百里

大小相維

萬國相維

功臣表云五

封爵部

封爵部

封爵總載

等法五行

三等法三光

並白虎通

斬一將封侯

袁子詳前二

從無爵封侯

王粲爵論云後世賞人不由等級從無爵封為列侯也

名山大

澤不以封

白虎通曰不以封者與百姓共之不使一國獨專也山林之饒水泉之利千里相通所以

均有無

巖險之邑不以封

魏書相國晉王奏

國為已土眾

皆我民

陸機云立五等則知國為已土眾皆我民

五命賜則七命賜國

禮周

大宗伯職曰以九儀之命正邦國之位一命受職再命受服三命受位四命受器五命賜則六命賜官七命賜

國八命作牧九命作伯案鄭注云則者法也出為子男元謂則地未成國之名

八命作牧

鄭注云謂侯伯有功德者加命得專征伐於諸侯

九命作伯鄭注云上公有功德者加命為

二伯得征五侯九伯者

受命器於王室

左傳

錫介圭以作寶

詩嵩

高篇錫爾介圭以作爾寶介一尺二寸也

爵人於朝與士共之

白虎通云爵人於朝

者示不私人以官

與眾共之義也

封侯於廟不自專也

自專也明法度皆祖

之制也舉事必告焉

任事然後爵之

曰爵者謂

正其秩次

稱人美則爵之

禮封諸侯以夏養賢也

又云封諸侯以夏何陽氣盛養故封諸侯

盛養賢也封立人君陽德之盛者

侯象賢也

通白虎

金路九就同姓以封

周禮巾車職云掌公車之政令

辨其用與其旗物而等敘之以治其出入王之五路一曰玉路錫樊纓十有再就建太常十有二旂以祀二曰

金路鉤樊纓九就建

大旂以實同姓以封象路七就異姓以封

就建大赤以封

革路龍勒以封四衛

又云革路龍勒條

朝異姓以封

即戎以封

木路鵠纓以封蕃國

封爵總載五

**原**詔梁任昉初封功臣詔曰草昧權輿事深締構康俗成務義在庇民自非羣才並軌文武宣翼將何以啓茲景祚弘此帝圖或運籌帷帳經啓王業或攻城略野殉義忘生或腹心爪牙折衝禦侮忠勤茂德夷險一致並宜建國開宇蕃屏王室山河之誓永永無窮

**原**論後魏王粲爵論曰依律有奪爵之法此謂古者爵行之時民賜爵則喜奪爵則懼故可以奪賜而法也今爵事廢矣民不知爵者何也奪之民亦不懼賜之民亦不喜是空設文書而無用也今誠循爵則上下不失實而功勞者勸得古之道合漢之法以貨財爲賞者不可

供以復除爲賞者租稅損減以爵爲賞者民勸而費省故古人重爵也 晉陸機五等論曰五等之制始於黃

唐郡縣之治創自秦漢得失成敗備在典謨是以其詳可得而言夫先王知帝業至重天下至曠曠不可以偏制重不可以獨任任重必於借力制曠終乎因人於是乎立其封疆之典財其親疎之宜使萬國相維以成磐石之固宗庶雜居而定維城之業知其爲人不如厚已利物不如圖身安上在於悅下爲已在乎利人是以分天下以厚樂而已得與之同憂饗天下以豐利而我得與之共害故諸侯享食土之實萬國受世及之祚夫然



則南面之君各務其治世治足以敦風道衰足以禦暴  
故疆毅之國不能擅一時之勢雄俊之士無所寄霸王  
之志降及亡秦棄道任術懲周之失自矜其得尋斧始  
於所庇制國昧於弱下國慶獨享其利主憂莫與共害  
雖速亡趣亂不必一道顛沛之釁實由孤立是蓋思五  
等之小怨忘經國之大德知陵夷之可患閭土崩之爲  
痛漢矯秦枉大啓侯王境土逾溢不遵舊典是以諸侯  
阻其國家之富憑其士民之力勢足者反疾土狹者逆  
遲六臣犯其弱綱七子衝其漏網皇祖彝於黥徒西京  
病於東帝是蓋過正之災而非建侯之累也

親戚封一

**原**毛詩曰乃命魯公俾侯于東錫之山川土田附庸

又曰奄有龜蒙遂荒大東至於海邦淮夷來同左氏  
傳曰王將以狄伐鄭富辰諫曰不可臣聞之太上以德  
撫民其次親親以相及也昔周公弔二叔之不咸故封  
親戚以蕃屏周管蔡邶霍魯衛毛聃郟雍曹滕畢原酆  
郇文之昭也邾晉應韓武之穆也凡蔣邢茅胙祭周公  
之胤也孟子曰象至不仁封諸有庠仁人之於弟也  
不藏怒焉不宿怨焉親愛之而已矣親之欲其貴也愛  
之欲其富也封之有庠者富貴之也身為天子弟為匹

夫可謂親愛之乎 帝王世紀曰成王元年周公爲冢  
宰攝政王生少未能治事故號曰孺子八年春正月朝  
王始躬政事以周公爲太師封伯禽於魯父子並命周  
公拜於前魯公拜於後王以周公有勲勞於天下故加  
魯以四等之土兼二十四附庸地方七百里 史記曰  
成王與叔虞戲削桐葉爲珪予虞曰以唐封汝史佚因  
言請擇日立叔虞成王曰吾與之戲耳史佚曰天子無  
戲言言則史書之禮成之樂歌之於是遂封叔虞於唐  
漢書曰漢興之初尊王子弟大啓九國京師內史凡  
十五郡公主列侯頗邑其中蕃國大者跨州兼郡連城

數十宮室百官同制京師諸呂之難賴於諸侯也

**增**

左傳僖二十四年召穆公思周德之不類故糾合宗族於成周而作詩曰常棣之華鄂不韡韡凡今之人莫如兄弟 周語五等之侯兩社之輔三等之采六遂之邑有封畛土略以處之彛器分物以昭之祝宗上史以秩之宗氏分族以聯之 左傳昭二十六年王子朝曰武

王成康並建母弟以蕃屏周亦曰吾無專享文武之功 二十八年成鱣曰昔武王克商光有天下其兄弟之國者十有五人姬姓之國者四十人皆舉親也 定四年子魚曰成王選建明德以蕃屏周 襄二十九年叔

侯曰虞號焦滑霍揚韓魏皆姬姓也 隱六年我周之

東遷晉鄭焉依 僖五年宮之竒曰太伯虞仲太王之

昭也號仲號叔王季之穆也 周語宣王欲任國子之

能導訓諸侯者樊穆仲曰魯侯孝乃命魯孝公於夷宮

賈侍中云國子諸侯之嗣 荀子周公立七十一國姬

姓獨居五十人周之子孫苟不狂惑者莫不爲天下

之顯諸侯 史記表文武成康所封數百而同姓五十

三 賈誼傳高皇帝擇良日立諸子雒陽上東門之外

畢以爲王而天下安 注顏師古曰諸侯國在關東故於東門外立之 史記表

高祖子弟同姓爲王者九國惟長沙異姓 注徐廣曰齊楚荆淮南燕

趙梁代淮陽  
荆絕乃封吳

唐世系表漢鑿秦務廣宗室世其土地

黃圖漢儀冊封諸王必於祖廟冊命之示不敢專也  
漢書諸侯王表文帝采賈生之議分齊趙景帝用晁  
錯之計削吳楚武帝施主父之策下推恩之令 王子

侯表大哉聖祖之建業也後嗣承序以廣親親至於孝

武以諸侯王疆土過制或僭差失軌而子弟為匹夫輕

重不相準於是制詔御史諸侯王或欲推恩分子弟邑

者令各條上朕且臨定其號名自是支庶畢侯矣 主

父偃傳偃說上曰今諸侯子弟或十數而適嗣代立餘

雖骨肉無尺地之封則仁孝之道不宣願陛下令諸侯

得推恩子弟以地侯之使人人得所願上以德施實分其國必稍自銷弱矣上從其計 史記三王世家制曰康叔親屬有十而獨尊者褒有德也周公祭天于郊故魯有白牡駢剛之牲羣公不毛賢不肖差也朕甚

又曰自吳楚後五宗王世漢為置二千石去丞相曰相銀印諸侯獨得食租稅

注景帝子十三人為王而母五人同母者為一宗故曰五

宗

後漢書光武紀建武十五年初巴蜀旣平大司馬

吳漢上書請封皇子不許重奏連歲乃詔諸臣議大司空融等議曰古者封建諸侯以藩屏京師周封八百同姓諸姬並為建國高祖聖德光啓天下封立兄弟諸子

不違舊章陛下興復宗統功臣宗室咸蒙封爵多受廣地或連屬縣今皇子賴天能勝衣趨拜宜因盛夏吉時定號位以廣藩輔 後漢書百官志注臣昭曰高祖謀深慮久封建子弟蕃維盤固齊代淮楚皆為外重哀平之際劉氏徧於四海宗正著錄遂以萬數後漢循前規光武十子並列畿外近郡孝明八國不能開庶遠民國近則不可以大不大則不足為彊本支之援終以少固漢氏得之微猶不能四百載魏氏失之甚不滿數十年晉世矯枉太過非簡賢之授無愚智之辨 魏東阿王植上疏曰權之所在雖疏必重勢之所去雖親必輕蓋



取齊者田族非呂宗也分晉者趙魏非姬姓也 晉武

十三王傳泰始之受終也乃憲章往昔廣誓山河大開

藩屏文昭武穆方駕於魯衛應韓磐石犬牙連衡於吳

楚齊代 唐膠東王傳唐始興務廣支善鎮天下封德

彞曰漢所封惟帝子若親昆弟其屬遠非大功不王如

周郇滕漢賈澤尚不得茅土所以別親疎也於是疏屬

王者皆降爲公唯嘗有功者不降 贊曰天下已定帝

與名臣蕭瑀等喟然講封建事欲與三代比隆而魏徵

李百藥皆謂不然徵以民人始復生業遽起而瓜分之

故有五不可之說百藥舉春秋二百四十六年之禍亟

於哀平桓靈詆曹元首陸士衡之言以爲謬悠天子由是不復議至名儒劉秩目武氏之禍至謂郡縣可以小寧不可以久安大抵與曹陸相上下而杜佑柳宗元深探其本據古驗今而反覆焉

### 親戚封二

**原**

王者始起封諸父昆弟

白虎通云王者始封諸父昆弟示與己共財之義故可以

也共十

天下太平乃封親屬

又云天下太平乃封親屬者示不私也

割

名都以建周親

後漢書章帝紀論云章帝割裂名都以崇周親

推私恩以分

子弟

史記王子侯表序云制詔御史諸侯王或欲推私恩分子弟邑者令各條上

並建母

弟

左傳曰召伯盈遂王朝奔楚使告於諸侯曰昔武王克殷成王靖四方康王息民並建母弟也

以

封爵部

封爵部

親戚封

三

輔王室

史記諸侯年表曰武王成康所封數百而同姓五十五地上不過百里下二十里以輔衛王室

褒有德

又曰周封伯禽康叔於魯肅親親之義褒有德也

愛所愛

韓詩外傳云周

兼制天下立國七十二姬姓獨居五十五周之子孫苟不狂惑莫不為天下顯諸侯夫是之謂能愛其所愛矣

犬牙相制

漢文帝紀云高帝王子弟地犬牙相制所謂磐石之宗也

封域相近

晉起居注武帝詔

承衛天子

史記天下初定骨肉同姓少故廣疆庶孽以鎮撫四海用承衛

天子

蕃輔京師

又史記諸侯年表曰吳楚時前後諸侯稍微大國不過十餘城小侯不過數十里上足以

奉貢職下足以供祭祀以蕃輔京師索隱曰適音宅或

淮南四子

漢淮南王傳云考文八年憐淮南王有子四人年七八歲乃封子安為阜陵

侯子勃為安陽侯子賜為

齊王七人

漢書文帝紀云

陽周侯子良為東城侯

桓公封鄭厲王少子而宣王庶弟也宣王

史記鄭世家曰鄭桓公友者周

立二十一年  
友初封於鄭

周章君吳

又吳太伯世家云武王克殷求太伯仲雍之後得周章以

而封之

封之於畢

又魏世家云畢公高與周同姓武王封之於畢

封之韓

原

又韓世家云韓之先與周同姓其後苗裔事晉得封於韓原曰韓武子

悔者不信

苑說

云周成王與幼弟戲於地得葉以與弟曰以此封唐周公曰選日王曰戲耳不封也周公曰王者重言封人而

悔者不信於

粲然不殊

漢書宣帝詔曰蓋聞象有罪舜封之骨肉之親粲然不殊

其封故昌邑王賀為海昏侯如淳曰粲或作散殊或作誅案師古注曰粲明也殊絕也常明於仁恩不離絕也

封周公於曲阜

史記魯世家云封周公於少昊之墟曲阜

封康叔於河

淇

又衛世家云以武庚餘民封康叔為衛君於河淇間故商墟也

克庸祇德邦之於

蔡

書蔡仲命篇曰惟周公位冢宰羣叔流言乃致辟管叔於商囚蔡叔於郭鄰蔡仲克庸祇德周公以為卿

士叔卒乃命諸王邦之於蔡也

建爾元子俾侯于魯

詩閔宮篇云王曰叔父建爾元

封爵部

封爵部

親戚封

三

子俾侯于魯大啓爾宇為周室輔毛萇注王成王元子首子也叔父謂周公也封首子伯禽也

周公

宅魯康叔啓衛

法晉百官表注云周道興隆三聖制以懿親建國則周公宅魯云云

大

師維蕃宗子維城

詩

周公拜前魯公拜後

公羊傳曰世室者何

魯公之廟也周公稱太廟魯公稱世室羣公稱宮曷為謂之世室世世不毀也周公何以稱太廟於魯封魯公以為周公也周公拜乎前魯公拜乎後曰生以養周公死以為周公主然則周公之魯乎曰不之魯也封周公以為周公主然則周公之魯乎曰不之魯也

**魯**虞舜封弟

孟于舜踐

象於有庫使吏治其國而納其貢稅焉

夏后封子

夏少康恐禹祭絕祀乃封其庶子於越號

曰無餘春秋祀禹墓於會稽

分以寶玉

周書武王乃昭德之致於異姓之邦無替厥服分寶

玉於伯叔之國時庸展親

親以脈膳

周禮春官以脈膳之禮親異姓

高祖誓盟

漢高祖刑白馬著盟誓曰非劉氏不王若有亡功非上所置而侯者天下共擊

之元狩賜策漢武帝元狩六年立皇子闕為齊王旦

風俗申為燕王胥為廣陵王皆賜策各以國土

戒焉益三郡漢景帝二年諸王來朝有詔更前稱

右笑其拙上怪問之對曰臣國小地狹但張袖少舉手左

不足迴旋帝乃以武陵零陵桂陽益焉漢武帝時

燕王旦自以次第當為太子書求入宿衛上怒曰生命

子當置齊魯禮義之鄉乃置之燕果有爭後坐匿亡命削三

削三定位號謝政事東漢光武建武十五年有上

曰今皇子孫能勝衣趨拜宜定位號以廣藩輔制曰可吳王五子傳自光武以來諸王有制惟得宮內自娛

不得臨民置之上座漢書齊悼惠王肥孝惠二年來

干預政事朝宴飲太后前帝以王為兄置

之上座如優以大封光武建武二十八年徙魯王興

家人之禮為北海王以魯益東海帝以東

海王疆去就有禮故優以大封食二十九留侍國邸

縣賜虎賁旄頭設鐘簾之樂振於乘輿

漢成帝無嗣體常不平定陶共王來朝上謂曰我未有子

子一朝有他不復相見爾可留侍我因留國邸朝夕侍封爵

親戚封

親戚封

親戚封

親戚封

親戚封

上甚見

親重 止食數縣

東漢明帝永平中封皇子恭等六人為王帝親定其封域裁令半楚

淮陽馬后曰諸子止食數縣於制不以儉乎帝曰我子豈宜與先帝子等歲給二千萬足矣

十王

宅 百孫院

唐明皇諸子同為大宅分院而居開元十五年夏五月作十王宅百孫院每王院宮

人四給百餘百孫院亦以三四月間又作五王宅武幹

庫以給諸王月俸宣宗大中間又作五王宅武幹

得封之唐宗室道宗乘間出擊大破之斥地千餘里唐主以道

宗武幹立為童孺亦王唐高祖欲強宗室以鎮天下

任城郡王為童孺亦王唐高祖欲強宗室以鎮天下

封為王乃封德彝以為今封爵太廣恐非所以示天

下至公乃降宗室郡王皆為縣公惟有功者不降

為太傅

後魏睢陽王頥大統中為太傅

五拜太師

宗親王拜太師者五人楚王元佐燕王儼吳王灝燕王

侯越王偲皆以父兄行而得之紹興中嗣秀王伯圭以

宗室特為太師蓋以孝

語言如鐘

元祖子身長多力

語言如鐘三為迭刺部夷

教民樹植

遼史隨國王釋

離童年四十五卒追封

人稱長者

遼晉王

始教民種植桑麻重熙中追封

才兼文武

天祚子初封晉王出繼大丞相耶律隆運

後喜揚人善勸其不能中外稱為長者

金越王永功世子本名宗葛又名廣孫沉默寡言笑勇

聽造宮邸

元史秦王忙哥刺世祖弟

健過人涉書史好法書名畫大定四年封鄭王歷進曹

冀魯郢譙大安

十年進越王

為安西在六盤者為開成皆聽為宮邸

木華黎孔溫窟哇之第三子沉毅多智略善射與博爾

弱冠器重

元孛兒

伐金滅之拜太師封魯國忠武王

黎六世孫脫腕子授集賢學士未及冠

一時同寅諸老皆器重之後封遼陽王

不受食邑

蜀秀才

相封鄭王食邑安豐辭不受

親戚封

蜀王禧太祖第



籍容止都麗嘗闢西堂延攬名士與李叔  
荆蘇伯衡等商榷諸史太祖呼為賢秀才  
明奇士寧

獻王權生而神姿秀朗白晢美鬚鬢初自稱大明奇士  
晚構精廬時花藝竹鼓琴著書其間又自號曜仙建生

墳綴嶺之上  
新樂府周憲王有煨勤學好古製誠齋  
數往遊焉

夢陽中元宵絕句云中孺子倚新妝趙女燕  
婿總攬場齊唱憲王新樂府金梁橋外月如霜  
賓

竹集秦簡王嗣位後日賦一詩積三十年夢後如  
某氏命紀善強晟校刻其詩號寶竹小鳴集  
河

間江夏之比蜀自獻王移四葉皆有文集行世昭王仁  
厚好儒術孝宗嘗賜詩以河間禮樂江夏

忠勤  
淮南梁苑之風趙康王嗜學博古文藻弘麗折  
為比  
節愛賓客文酒讌游有淮南梁

風苑之

### 親戚封三

原詔魏明帝詔曰古之帝王封建諸侯所以蕃屏王室

也詩不云乎懷德維寧宗子維城秦漢繼周或強或弱  
俱失厥中大魏創業諸王開國隨時之宜未有定制非  
所以永爲後法也其改封諸王皆以郡爲國 梁任昉  
武帝追封永陽王詔曰亡兄德履沖粹識業深通徽聲  
善譽風流籍甚道長世短清塵緬邈感惟既往永慕慟  
心可追封永陽郡王 又追封丞相長沙王詔曰夫褒  
崇名器率由舊章光昭德祀永世作則亡兄道被如仁  
功深微管懸諸日月久而彌新故能極龜玉於已毀導  
涸淵於將塞今理運惟新賢戚並建感惟永遠觸目崩  
心可追封長沙郡王 又追封衡陽王桂陽王詔曰亡

弟暢風標秀特器體淹弘朱方之役盡勤王事策出無  
方物惟不賞亡弟融業行清簡風度間綽蚤優名輩夙  
廣令聞朕應天紹命君臨萬宇祚啓郇滕感興魯衛事  
往運來永懷傷切暢可追封衡陽郡王融可追封桂陽  
郡王 又封臨川安興建安等三王詔曰神州帝城冠  
冕列岳渚宮樊鄧形勝是歸居中作衛翼宣戎重隆茲  
寵號寔允舊章並非親勿居惟賢是授宏朕之介弟早  
富德譽董一蕃政緝是嘉庸國禮家情瞻寄隆重季風  
穎雋邁識業標簡任居蕃翰政以化成偉體韻淹穆神  
寓凝正經綸夷險參贊王業 陳徐陵始興王詔曰漢

祖天倫伯叔追封晉元世系瑯邪傳國仰惟二后重光  
率由前典朕昔因蕃次蒙繼本宗分在要荒久離寒燠  
天嘉紹祚別命皇枝歸自嶠函禮隔登獻每至霜庭可  
履矚垣寢而懷悲風樹鳴條望章陵而增感今嗣王乖  
德獲罪慈訓永言主奠宜自朕躬但國步時艱皇基務  
切復奉家業升纂帝圖重違情理言深哽慟可以第二  
皇子升陵爲始興王

**增**

唐李嶠授建昌郡王攸寧冬

官尚書制曰事典隆禮闡望切自非明德莫允具瞻  
具官某道遵八元名高兩獻行兼爲善學茂多才待問  
七車屢聞獻替參司百揆多所弘益頃以牙璋首路羽

檄乘邊委以樽俎之謀藉其股肱之用而卑以自牧成而不居固守鳴謙願離劇職重違雅志用成其美宜遷九法之司回典百工之任 周世宗顯德四年追封皇弟詔曰禮以緣情恩以悼往矧在友于之列尤鍾惻愴之情故皇弟贈太尉侗贈司空信景運初起天年不登俾余終鮮實動於懷侗可封太傅進封剡王信司徒杞王 宋紹興元年封安定郡王世開詔曰太祖皇帝創業垂統德被萬世神祖詔封子孫一人爲安定郡王世世勿絕今其封不舉朕甚憫之有司其上合封人名遵故事施行 宋洪邁封太宗正東平郡王制曰周建國

以親諸侯用侈宗盟之慶漢置官而敘九族是司屬籍  
之蕃睠時叔父之賢首我內朝之望博稽輿頌董正皇  
支升之上將之壇賜以鉅邦之履飭宣丕號申詔治廷  
具官某樂易而不流溫恭而有守河間學古入對三雍  
之宮沛獻好文爰作五經之論裔襲神明之胄地依日  
月之華大輅大旂傳鼎彝於故府法言法服蹈規矩於  
先王鄉疇進律之文顯陟承明之任德齒參邵魁然祭  
酒之尊名實兩崇展矣戚藩之冠載念齊家之要必嚴  
糾族之權示以褒儀屬茲蕭艾用是由譙城之留務總  
鄜時之成師踐辟彊之班聯式彰清靜胙憲王之封域

用答勤勞合集寵光布章物采於戲問雞鳴之寢朕方  
形立愛之風誦麟趾之詩爾尚輯惇宗之典若梓材之  
來兄弟若葛藟之庇本根其追配於前人亦有辭於永  
世 明洪武十六年封諸王詔曰朕荷天地百神之靈  
祖宗之福起自布衣艱難創業惟時將帥用命遂致十  
有六年混一四海功成治定以應正統考諸古昔帝王  
既有天下子居嫡長者必正位儲貳若其衆子則皆分  
茅胙土封以王爵蓋明長幼之分固內外之勢也朕今  
有子十人前歲已立長子標為皇太子爰以今歲四月  
分王諸子授以冊寶設置相傳官屬凡諸典禮已有定

制於戲衆建藩輔所以廣磐石之安大封土疆所以眷親友之厚古今通誼朕何敢私尚賴中外臣鄰相與維持弼成政化故茲詔示咸使聞知

**原**

策漢武帝使御史大夫策諸子立闕爲齊王曰於戲

小子閱受茲青社朕承祖考道惟稽古建爾國家封於東土世爲漢蕃輔於戲念哉共朕之詔惟命不於常人之好德克明顯光義之不圖俾爲君子無怠爾心允執厥中 又立子旦爲燕王曰小子旦受茲元社建爾國家封於北土 又立子胥爲廣陵王曰小子胥受茲赤社建爾國家封於南土戰戰兢兢乃惠乃慎無同好佚



無邇小人

**原**章魏曹植改封陳王謝恩章曰臣既弊陋守國無效  
自分削黜以彰衆誠不意天恩霽霈潤澤橫流猥蒙加  
封茅土既優爵賞必重非臣虛淺所宜奉受非臣灰身  
所能報塞 又封二子爲公謝恩章曰詔書封臣息男  
苗爲高陽鄉公志爲穆鄉公臣伏自惟文無升堂廟算  
之功武無摧鋒接刃之效天時運幸得生貴門遇以親  
戚少荷光寵竊位列侯榮曜當世顧影慙形流汗反側  
洪恩固極雲雨增加既榮本榦枝葉並蒙苗志小豎既  
頑且稚猥荷列爵並佩金紫施崇一門惠及父子 齊

謝朓為宣城公拜章曰惟天為大日星度其象謂地蓋厚河岳宣其氣斯冕旒所以貞觀袞職所以代終慙下穆而上尊豈南征而北怨何以克詠九歌載宣七德銘彼旂常勒斯鐘鼎

**原**

**表**魏曹植謝初封安鄉侯表曰臣抱罪即道憂惶恐

怖不知刑罪當所限齊陛下哀愍臣身不聽有司所執待之過厚即日於延津受安鄉侯印綬受詔之日且懼且悲懼於不脩始違憲法悲於不慎速此貶退上增陛下垂念下遺太后見憂臣自知罪深責重受恩無量精魂飛散忘軀殞命 又封鄆城王表曰臣愚鴛垢穢才

質疵下過受陛下日月之恩不能摧身碎首以答陛下  
厚德而狂悖發露始干天憲自分放棄抱罪終身苟貪  
視息無復晷幸不悟聖恩爵以非望枯木生葉白骨更  
肉非臣罪戾所當宜蒙俯仰慙惶五內戰慄奉詔之日  
悲喜參至雖因拜章陳答聖恩下情未展 又轉封東

阿王謝表曰奉詔太皇太后念雍丘下濕少桑欲轉東  
阿當合王意可遣人按行知可居不奉詔之日伏增悲  
喜臣以無功虛受國恩爵尊祿厚用無益於時脂車秣  
馬志在黜放不圖陛下天父之恩猥宣皇太后慈母之  
念遷之陛下幸爲久長計聖旨惻隱恩過天地臣在雍

丘劬勞五年左右罷息居業向定園果萬株枝條始茂  
私情區區實所重棄然桑田無業左右貧窮食裁餬口  
形有裸露臣聞古之仁君必有棄國以爲百姓况乃轉  
居沃土人從蒙福江海所流無地不潤雲雨所加無物  
不茂若陛下念臣入從五年之勤少見佐助此枯木生  
華白骨更肉非臣之敢望也飢者易食寒者易衣臣之  
謂矣 吳胡綜請立諸王表曰受命之主繫天而王建  
化垂統爲一代制雖禮有損益事有質文至於崇建懿  
親列土封爵內蕃國朝外鎮天下古今同契其揆一也  
周室之興寵秩子弟姬姓之國五十有五諸王子受國

者漸多光武中興四海擾攘衆諸制度未遍而九子受國明章即位男則封王女爲公主故詩曰旣受帝祉施於孫子陛下踐祚以來十有二載皇后無號公主無邑臣下歎息遠近失望是以屢獻愚懷依據典禮庶請具陳足寤聖心深辭固拒不蒙進納恐天下有識之士將謂吳臣闇於禮制不知陛下謙以失之也加今迎夏盛德在上大吳之慶於是乎始開國建號吉莫大焉惟陛下割謙謙之德副兆民之望留臣祐許天下幸甚 晉孫毓賀封諸侯王表曰臣聞軒轅二十五宗黃祚以繁姬姓建國七十周過其曆故禦侮莫如同德伏惟陛下

聖哲欽明稽乾作則越五超三與靈協契天祚明德克  
昌祚胤秦王楚王淮南王光濟碩美冠於羣后改建大  
國分鎮方岳皇太子皇孫並啓土宇培敦潼索制弘往  
代內輔皇畿外蕃九服羣生仰德向風懷義率土臣妾  
莫不稱慶 梁任昉爲蕭侍中拜襲封表曰詔書拜臣  
襲封竟陵郡王臣以凡庸素乏才植皇朝尚德詔爵惟  
賢遂復出脩職貢入頒卿士但有道之守海外重扃蕃  
籬近甸無勞擊柝仰閱舊章俯增私感報國承家豈云  
萬一

**原奏**宋傅亮尚書八座封諸皇弟皇子奏曰臣聞懿親

廣樹聖主所先明德並建古之休典所以維城皇代磐  
石帝基內衛畿服外綏四海者也第其皇弟皇子等神  
姿穎哲大成俱茂地均魯衛德兼庸賢顯進徽號啓建  
疆宇弘道作屏光翰邦家並可封郡王 謝莊爲尚書  
八座封皇子郡王奏曰臣聞桐圭睦親書河汾之策賜  
帶懷賢敬東平之祚諒以訓經終始義洽垣墉第其皇  
弟等器彩明敏令識穎悟並宜憲章前典光啓祚宇作  
屏王室式雍帝載臣等參議可封郡王

淵鑑類函卷一百十九

封爵部二

功臣封  
功臣後

死王事子孫封

**增**弟封附

功臣封一

**原**周官曰司勲掌六鄉賞地之法以等其功王功曰勲國功曰功事功曰勞治功曰力戰功曰多凡有功者銘書於王之太常 **增**禮曰諸侯有功則益地 **原**史記

古者人臣功有五品以德立宗廟定社稷曰勲以言曰勞用力曰功明其等曰伐積日曰閔 **增**班固諸侯王

表序曰漢興之初海內新定同姓寡少懲亡秦孤立之敗於是剖裂疆宇立二等之爵大者王  
小者侯功臣侯者百餘



邑 山堂考索曰先王之封建選建明德茂啓崇勲是故大功莫如齊則身兼五侯之地明德莫如魯則國侈百里之封曹文之昭而爲伯甸德薄者不以居尊位也晉武之穆而列侯藩功大者不以殿小邦也蓋文武周公封建之初心爲褒表功德而設非徒曰大封同姓以明親親而已 葉氏曰古者卿大夫有功德則出封爲諸侯是在外世爵者乃內之世祿臣也諸侯有功德亦入爲公卿是內之世祿者或在外之世爵諸侯也 徐氏曰按漢世封侯皆以縣邑其後或以鄉亭皆視其所食之邑而名之至於功名顯著則有特加美名者西都

信武冠軍富民博陸之類是也 文獻通考曰漢興設

爵二等王子封為侯者謂之諸侯羣臣異姓以功封者謂之徹侯大者不過萬家小者五六百戶 又曰按諸侯王與列侯皆世襲其所受之封爵自非有罪與無後則國不除此法漢以來未之有改也至唐則臣下之封

公侯者始止其身而無以子襲封者 又曰唐制庶姓

卿士功業特盛者亦封郡王其次封國公其次有郡縣開國公侯伯子男之號亦九等並無官土其加實封者則食其封分食諸郡以祖調給 事文類聚遺集曰宋朝稽漢非劉氏不王之制異姓唯后之祖父乃贈王爵

佐命之臣獨趙普以元勳封韓王若曹彬封秦王潘美封鄭王雖功亞忠獻終緣女若孫為后得之而故相未聞有贈王者中興以後如四大將之功韓世忠封蘄王張俊封循王皆賞功臣之最也續文獻通考曰明高皇帝無外家三尺之庸以故王爵廟貌雖極隆於揚徐而朱邸自功臣外無兩者若李隴西由尚主而擔爵然亦岐陽大勳所推本而成

功臣封二

**原**史記曰武王克紂太公之謀居多於是武王封尚父於齊營丘成王少時管蔡作亂淮夷叛周乃使召康公

命太公東至海西至河南至穆陵北至無棣五侯九伯  
實得征之齊由此征伐大於諸國 又曰召公奭與周  
同姓武王之滅紂封召公於燕其在成王時自陝以西  
召公主之自陝而東周公主之 又曰鬻熊事周文王  
早卒當成王之時舉文武勤勞之嗣乃封其後熊繹於  
楚 又曰晉獻公伐霍耿魏滅之因以魏封畢萬爲大  
夫卜偃曰畢萬之後必大萬盈數也魏大名也以是始  
實天啓之也 又曰陳完奔齊懿仲欲妻之卜之吉曰  
是謂鳳皇于飛和鳴鏘鏘有媯之後將育于姜五世其  
昌並于正卿八世之後莫之與京卒妻之完卒諡爲敬

仲六世而至田常田常弑簡公立簡公弟爲平公乃割齊安平以東爲己封邑始大于齊

**史記**曰韓信平

齊使人言漢王曰齊誇詐多變不爲假王以鎮之其勢不定漢王罵曰大丈夫定諸侯即爲真王耳何以假爲

**原**漢書曰項羽曰吾聞漢購吾頭千金邑萬戶吾爲

公得之乃自剄王翳取其頭楊喜呂馬童郎中呂勝楊武各得一體故分其地以封五人皆列侯 又曰漢五

年尅項羽天下乃平始論功侯者百四十有三人時人民散亡大侯不過萬戶封爵之誓曰使黃河如帶泰山如礪於是申以丹書之信重以白馬之盟藏之宗廟副

在有司 又曰陳平凡六出奇計輒益封凡六益邑

又曰高祖封項伯等四人為列侯賜姓劉氏

**增**漢書

曰莽何羅與弟重合侯通謀逆時霍光金日磾音低上官

桀等共誅之詔封金日磾為稅丁周切侯上官桀為安陽

侯光為博陸侯 又曰霍去病以校尉伐匈奴封冠軍

侯 **原**東觀漢記曰三輔豪傑入長安攻未央宮庚戌

殺莽於漸臺東海公賓就其首傳詣宛封滑侯 又

封竇融曰融允執忠孝扶微救危率厲五郡積兵羌胡

畢至兵不血刃而鹵土崩瓦解功既大矣篤意分明斷

之不疑吾甚嘉之其以六安安豐陽泉蓼安風四縣封

融為安豐侯

又曰上謂耿

一作景

丹曰今關東故王國

雖數縣不過櫟陽萬戶邑夫富貴不歸故鄉如衣繡夜行故以封卿爾

**增**天中記曰上封功臣皆為列侯大

國四縣餘各有差博士丁恭議曰古帝王封諸侯不過

百里故易建侯取法於雷上曰古之亡國皆以無道未

嘗聞功臣地多而滅也

**原**東觀漢記曰班超字仲升

定西域五十餘國乃封超為定遠侯

**增**文獻通考曰

建武十三年大享將士頒爵策勲功臣增邑更封凡三

百六十五人

**原**魏志曰曹真字子丹以功封邵陵侯

真少與宗人曹遵鄉人朱讚並事太祖早亡真愍之乞

分食邑封遵等子詔曰大司馬有叔向撫孤之仁篤晏  
平久要之分聽分賜遵等子爵關內侯及真薨明帝悉  
封真五子皆列侯 又夏侯淵傳曰以功封都亭侯太  
祖與淵嘗出關右所向無前賜淵子五人皆爵關內侯  
又曰太祖表封荀彧爲萬歲亭侯太祖又與彧書曰  
君之相匡弼君之相爲舉人君之相與建計君之相密  
謀亦已多矣夫功未必皆野戰也十二年復增邑合二  
千戶 又曰太祖表封荀攸曰前後尅敵皆攸之謀也  
於是封攸陵樹亭侯 又曰太祖自柳城還過攸舍稱  
攸前後謨謀曰昔高祖使張子房自擇齊三萬戶今孤



亦欲君自擇所封 又曰郭嘉字奉孝冀州平封洧陽  
亭侯及薨太祖表曰良策未決嘉輒成之平定天下謀  
功爲高宜增邑并前千戶 又曹休傳太祖曰此吾家  
千里駒也錄前後功封東陽亭侯 又曰任峻字伯遠  
爲典農中郎大興屯田軍國致饒太祖以峻功高表封  
都亭侯 又曰夏侯惇字元讓文帝追思惇功欲使子  
孫畢侯分邑千戶賜惇七十二孫皆關內侯惇弟廉及  
子楸素列侯 又曰朱靈字文博封郿侯文帝曰將軍  
佐命先帝威過方召平生所志願勿難言靈謝曰高唐  
夙所願乃更封高唐侯

**增**晉中興書曰孔愉字敬康

以討華軼功封餘不亭侯初愉少時嘗得一龜放於餘  
不溪中流左顧者數及鑄侯印而龜左顧更鑄猶然印  
工以聞愉悟遂佩焉 晉書曰苻堅南寇桓伊與冠軍

將軍謝元輔國將軍謝琰俱破堅於淝水以功封永循  
侯 玉海曰裴寂傳武德九年太宗定功臣封戶自寂

以下總四十三人 冊府元龜曰杜如晦字克明初義

兵定關中太宗引爲王府兵曹叅軍每從征伐軍國多  
務剖斷如流及隱太子將爲變太宗召如晦等共爲籌  
略社稷以寧以定策安宗廟功居第一封蔡國公 又

曰房元齡字喬年太宗以燉煌公徇渭北元齡因杖策

謁於軍門太宗一見如舊識署爲記室叅軍元齡旣遇  
知己罄竭心力拾遺補闕知無不爲太宗入春宮以元  
齡爲右庶子旣踐祚封邢國公 文獻通考曰肅宗嘗  
問於李鄴侯泌曰今郭子儀李光弼已爲宰相若克兩  
京平四海則無官以賞之奈何對曰古者官以任能爵  
以酬功爲今之計俟天下旣平莫若疏爵土以賞功臣  
則雖大國不過二三百里比今小郡豈難制哉於人臣  
乃萬世之利也上曰善 山堂肆考曰宋太祖開寶中  
潘美以行營諸軍都部署征嶺南旣平拜山南東道節  
度使復從曹彬平南唐以功拜宣徽北院使及征太原

討范陽封代國公改忠武節度使進韓國公 玉海曰  
神宗元豐元年宰臣吳充等言唐德宗多難之際乃賜  
奉天定難之號不應盛世猶襲陳跡於是罷功臣號紹  
興六年復賜中興後加賜者三人而已

韓世忠張浚劉光世此外

唯安南國王加功臣號 吾學編曰洪武三年冬大封

功臣上諭諸將曰今日定封行賞非出已私皆倣古先  
帝王之典籌之二年以征討未暇故至今日思自起兵  
以來諸將從朕披堅執銳以征討四方戰勝攻取其功  
何可忘今天下既定用報以爵賞凡次第皆朕自定至  
公無私如御史大夫湯和與朕同里結髮相從然嗜酒

妄殺不由法度趙庸從李文忠取應昌其功不細而乃私其奴婢廢國法廖永忠戰鄱陽奮勇忘身然而使所善儒士窺朕意向以邀封爵郭子興不奉主將之命不守紀律雖有勞未足掩過此四人止封爲侯平章文忠總兵應昌逐前元太子遠遁沙漠此功最大御史大夫鄧愈自幼相從屢更任使雖經摧挫口無怨言此二人宜列公爵左丞相善長雖無汗馬之勞然事朕最久供給軍食未嘗缺乏右丞相達與朕同鄉朕起兵時即從征討勞勩居多此二人宜封大國以示嘉褒餘悉據功定封遂班爵行賞封公六人侯二十八人 又曰中山

徐武寧王達從上起兵征吳破其城縛士誠送建康封  
信國公定計取元都元主北走三年大封功臣進魏國  
公 又曰開平常忠武王遇春乙未來歸乞前部先鋒  
自效遂拔采石取太平漢攻南昌從上援南昌過彭蠡  
湖連舟力戰殲友諒圍士誠士誠敗縛加授平章軍國  
重事封鄂國公 又曰誠意伯劉基青田人上定括蒼  
遣使聘遂詣金陵為上陳天命所在滅漢取吳收中原  
公密謀居多三年加弘文館學士封誠意伯

功臣封三

原常全關中

永寧河右

漢書蕭何傳關內侯鄂千秋  
進曰陛下雖數亡山東蕭何

封爵部

封爵部

功臣封

常全關中以待陛下此萬世功也奈何欲以一旦之功而加萬世功哉魏志張既傳詔曰卿踰河歷險以勞

擊逸以寡勝衆功過南仲勤踰吉甫此勳非但破幽乃永寧河右使吾無西顧之憂矣益封霍

光追思張賀漢書霍光傳曰光與丞相敬奏立武帝曾孫病已是為孝宣皇帝明年下詔曰

大將軍先守節秉誼以安宗廟益封光萬七千戶與故所食凡二萬戶又張安世傳曰安世兄賀為掖庭令

而宣帝以皇曾孫收養掖庭及曾孫壯大賀發詩書為取許妃及宣帝即位追思賀欲封其冢賀子早亡安世

小男彭祖又小與上同席研書指欲封之故安世深辭賀封上曰吾自為掖庭令非為將軍也安世乃止遂下

詔封賀弟子侍中關蕭何發縱張良決勝漢書蕭何傳曰

內侯彭祖為陽都侯上以何功最盛先封為鄼侯所食邑多功臣議之上曰

夫獵追殺獸者狗也而發縱指示獸處者人也今諸君徒能得走獸耳功狗也至如蕭何發縱指示功人也

又張良傳曰漢六年封功臣良未嘗有戰鬪功高帝曰運籌策帷幄中決勝千里外水草不乏荒戎入貢子房功也乃封良為留侯

漢書張騫傳曰騫以校尉從大將軍擊匈奴知水草處軍得以不乏乃封騫博望侯

通荒戎入貢皆邀功也

介子誅樓蘭 延壽使西域

漢書傅介子傳介子謂大將軍霍光曰樓蘭龜茲數反願往刺之遣介子齎金幣至樓蘭王隨介子入帳中屏

語壯士二人從後刺之持首詣闕封義陽侯食邑七百戶又甘延壽傳曰延壽為郎中諫大夫使西域都護

駙都尉與副校尉陳湯共斬到支單于封義成侯

**禮**封什方 食四縣

封功臣二十餘人其餘日夜爭功未決未得行封上在洛陽南宮從複道望見諸將往往相與坐沙中語上曰

此何語留侯曰此謀反耳曰為之奈何留侯曰今急封雍齒以示羣臣於是上置酒封雍齒為什方侯皆曰雍

齒且侯吾屬無患矣文獻通考曰建武二年悉封諸功臣為列侯梁侯鄧禹廣平侯吳漢皆食四縣餘各有

差 得保宗廟 信重天下

皆止朕唯中尉宋昌勸朕朕已得保宗廟其封昌為壯武侯魏志曰太祖見賈詡執手曰使我信重於天下

封爵部 封爵部 封爵部



者子也表為執

行封定賞

旌善念功

唐書劉幽求傳景雲二年

拜侍中璽詔曰幽求

求翊贊聖儲震殄元惡雖胙以土宇

而賦入未廣昔西漢行封

更擇多戶東京定賞復增大

邑宜加賜實封二百戶

會要曰武德九年詔曰褒賢

昭德昔王令典旌善念功

有國彛訓無忌等或夙叅謀

謨綢繆帷幄或早從任使

契闊戎麾無忌齊勸改旗

元齡邢敬德吳如晦萊君

集潞邑各三千戶

將軍府以文靜為軍司馬

勸改旗幟以彰義舉高祖從

之封魯國公續文獻通考曰

韓延徽幽州人為劉守

光聘於遼述律后知其賢

太祖立命參軍事請樹

城郭分市里以居漢人之

降者太宗朝封魯國公預

計義兵載昌大業

冊府元龜曰裴寂守元真高祖與

國公又曰肅宗至德二年

詔郭子儀才光三仍加

傑功格十臣克灼皇威載

昌大業進封代國公

蟬冕

榮列貂冠

冊府元龜曰後唐明宗天成四年制

流俾濟鳳池仍加蟬冕詳見後制詞又曰制趙德鈞洞曉著情飽諳邊事是命寵頒鳳綺榮列貂冠詳見後

詩文

額班帝制

榮啓國封

集六一

金券玉冊

虎符

龍節

表忠觀碑

袞衣繡裳既極公台之貴

金印盤綬肇

開王社之封

光奉制書

峻膺寵數

俄奉璽書

驟加井賦

仍增勲秩

倍衍戶封

陪敦邑采

增

衍井腴

同上

功臣封四

原將率爲諸侯

禮樂記云武王克殷將率之士使爲諸侯

破徐賜趙城

史記

趙世家云初趙氏之先與秦同祖造父事周穆王攻徐破之乃賜以趙城

救周賜岐西

秦

本紀云西戎犬戎與申侯伐周殺幽王秦襄公將兵救周戰其力有功周避犬戎難東徙維邑襄公以兵送周

封爵

平王平王封襄公為諸侯賜之岐  
西之地襄公於是始國與諸侯通  
入臨淄取祭器

樂毅傳破齊攻入臨淄盡取齊寶物祭器輸之燕燕昭  
王大悅親至濟上勞軍行賞享士封樂毅於昌國號為

昌國君云  
增南面稱孤漢書云高祖定天下功臣異姓  
王者八國咸得裂土南面稱孤

原衛青封三侯漢書衛青傳帝曰大將軍青躬率我士  
師大捷獲匈奴王十有餘人宜封三子

侯青固謝曰臣幸待罪行間賴陛下神靈軍大捷皆諸  
校力戰之功也陛下幸以益封臣青臣青子在襁褓中

未有勤勞上幸裂地封為三侯非臣待罪行間所以勸  
士力戰之意也上曰我非忘諸校功也今固且圖之

登天山取蘭成魏志張遼傳曰遼為溫家將軍太祖  
論諸將功曰登天山履峻險以取蘭

成盪寇張遼合肥之役又張遼傳文帝詔曰合肥之  
功也役遼以步卒八百破賊十萬

自古用兵未之有也其封遼于禁  
于禁

謂禁曰濟水之難吾甚急也將軍在亂能整討暴堅壘  
有不可動之節雖古名將何以加之於是錄禁前後功

封益壽亭侯

孫資封本縣又曰先是孫資歷縣令以軍功封本縣也

**增**指河

為誓

玉海蘇安常傳曰唐家指河為誓非李氏不王非功臣不封

觀太宗曰非常

人也

冊府元龜云劉文靜為晉陽令察高祖有四方之志深自結托又觀太宗曰非常人也略定新安已

西之地封魯國公

不私其親

唐書太宗第一將軍功班賞房元齡等

攘袂見淮南王神通愧

本為百姓

文獻通考曰唐高祖廣封宗室以威

天下太宗即位曰朕理天下本為百姓非勞百姓以養己之親也於是

有功者王餘並封縣公

張說

褚無量輔導有功

冊府元龜曰唐元宗先天二年以中書令張說國子監祭酒褚無量輔導

有功說封燕國公無量封舒國公

功臣封五

**增**詩唐杜甫投贈哥舒開府翰詩曰今代麒麟閣何人

詩部

詩部

功臣封

第一功君王自神武駕馭必英雄開府當朝傑論兵邁  
古風先鋒百勝在略地兩隅空青海無傳箭天山早挂  
弓廉頗仍走敵魏絳已和戎每惜河湟棄新兼節制通  
知謀垂睿想出入冠諸公日月低秦樹乾坤遶漢宮  
人愁逐北宛馬又從東受命邊沙遠歸來御席同軒墀  
曾寵鶴畋獵舊非熊茅土加名數山河誓始終策行遺  
戰伐契合動昭融 陳陶投贈羅中丞詩曰三捷楷模  
光典策一生封爵笑丹青 韓愈聞晉公自蔡州入覲  
詩曰南伐旋師太華東天書夜到冊元功將軍舊壓三  
司貴相國新兼五等崇 王維少年行曰漢家君臣歡

宴終高議雲臺論戰功天子臨軒賜侯印將軍佩出明  
光宮 劉禹錫平蔡行曰九衢車馬渾渾流使臣來獻  
淮西囚四彛聞風皆失據天子受賀登高樓妖童擢髮  
不足數血污城西一抔土南峰無火楚澤間夜行不鑠  
穆陵關策勲禮畢天下泰猛士按劔看恒山 明何景  
明諸將入朝詩曰闕下千官侍鳳樓苑中天子建龍旂  
豹房虎圈先班賞武帳前邊賜姓侯

**唐**詔後漢獻帝詔曰勅鎮東將軍領兗州牧費亭侯故  
特進顯授上將鈇鉞之任復食舊土雙金之寵董統一  
州委成之重榮曜昭示亦以優崇投節効命自首之秋

也 又詔書拜鎮東將軍襲費亭侯曹操業履忠貞輔  
幹王室頃遭凶暴海內離析操執義討截黃巾為國出  
命夫祿以賞功罰以紕否今以操為鎮東將軍領兗州  
牧襲父費亭侯高爵并印綬符策 魏文帝冊孫權太

子登為東中郎封侯詔曰蓋河洛寫天意符讖述聖心

昭晰著明與天談也故易曰河出圖洛出書聖人則之

孫將軍歸心國朝忠亮之節同功佐命而其子當為魏

將軍著在圖讖猶漢光武受命李氏為輔王梁孫咸並

見符緯也斯乃皇天啓佑大魏永令孫氏仍世為佐其

以登為東中郎將封縣侯萬戶昔周嘉公旦祚流七肩

漢禮蕭何一門十侯今孫將軍亦當如斯若夫長平之榮安豐之寵方斯蔑如

**增**

梁沈約封三舍人詔曰沈

徽孚王暄之裴長穆並以素胄清才服勤禁省契闊劬勞自頃多難軍國務殷內叅帷幄外濟師旅忠規欵志義感朕心宜錫茅社同莅賞冊可封三百戶開國縣伯

**原**

陳徐陵進武帝為長城公詔曰德懋懋官功懋懋

賞皇王盛則所謂元龜司空公南徐州刺史長城縣開國侯諱志懷寅亮風度弘遠體文經武明允篤誠曩者率五嶺之彊兵誅四海之讎敵固以勒功彝鼎書勲太常克定京師勤勞自重自鎮撫粉榆永寧豐沛東涼既



息北蔡無歸代馬燕犀氣雄天下裹糧坐甲固敵是求  
方欲大討於秦嶠敦脩於與睦叶謀上相爰納朕躬思  
所以敬答忠勲用申朝典可進爵爲長城縣公

**增唐**

肅宗乾元詔曰命將之選當仁實難非夫文可經邦不  
能安人和衆武可禦暴罔以克敵成功允藉宏才爰申  
錫命司徒中書令上柱國代國公子儀河嶽間氣巖廊  
重寶寬而有謀用而無滯遂能克復二京折衝千里時  
乃之功今殄寇未寧興師頗廣鎮守經制已有處分而  
籌畫指麾必資專制將軍辭第無以家爲丞相憂邊思  
平國難固以訏謨之用宜申總統之威其將戡定外虞

澄清列郡光膺藩屏之寄式崇社稷之勲對揚休命以永終譽可封汾陽郡王 肅宗至德二年詔曰乘輿幸蜀人心且搖臣節斯見李光弼全德挺生英才間出干城禦侮坐甲安邊可追封鄭國公

**增制**唐李嶠封右武威衛將軍沙吒忠義郕國公制曰三韓舊族九種名家夙奉戎麾遂叅文衛昔臨鴈塞能羈縛馬之妖今拒狼河更翦奔鯨之孽勤功允著誠効克宣宜酬矢石之勞用廣山河之賦可封郕國公食邑三千戶 蘇頲封郭虔瓘潞國公兼食邑實封制曰聞鼓鞞之聲則思夫將帥列土茅之賦則念彼勲庸郭虔

瓘忠勇超倫智謀絕等往者鎮於荒裔獨守孤城煮弩  
而其人益堅引弓而彼衆不敵故得愛子染鍔名王解  
辦穹廬掃地而將空沙漠聞風以歸附功則茂矣朕實  
體之宜誓山河開其井邑可進封潞國公食邑三千戶  
仍賜實封一百戶 韓儀授王鎔常山郡王羅弘信長  
沙郡王劉仁恭彭城郡王制曰王鎔夙紹弓箕丕承堂  
構襲重侯之積慶允武允文奉先王之成規克勤克儉  
剛簡而無傲虐栗直而務溫寬羅弘信將星瑞彩卿月  
祥光常竭力於公門每推心於王室保大有九三之盛  
任重而不危守中孚六四之貞致遠而不泥劉仁恭氣

薄雲天義形霜雪祕元符於腹笥機術無儔運黃略於  
意筌弛張有度居然侯度屹若國楨而皆道邁殷賢名  
齊漢傑洞達總戒之要翦起扶輪精通育物之源龔黃  
拜手犬牙而理人心以寧屏蔽一隅繚長城於翰海藩  
垣中夏布橫落於天田疇咨協恭奮揚熙載或尊此冀  
土成阜安於大名或宅彼幽都共綏懷於有北駢闐勲  
緒照灼簡書勉竭乃誠各膺休命 代宗寶應二年制  
曰副元帥李光弼元勲濟代公輔推賢自出征移鎮距  
海負河連率百城旌旗千里東郊誓衆雅繼魯侯之功  
北伐擁旄首稱漢將之略高牙罷設重鼎斯調尤知武

庫之寶實在雲臺之右 後唐明宗天成四年制曰朕  
嘗披國史備閱軍功裴度之破淮西無遺廟算石雄之  
攻山北益展皇威莫不仰遺烈於祖宗委全才於將相  
而自中山逆命外域朋姦奮戎旅以鷹揚屠賊城而魚  
爛夕聞告捷明賞殊勲上柱國琅邪郡開國侯王晏球  
長劔倚天洪河帶地居萬夫之長擅三傑之名自統雄  
師往收逆壘摧曲陽之堅陣厭滌水以驚波爰築室以  
反耕攻圍雉堞果析骸而易子傾發烏巢招降之士庶  
數千撲滅之凶狂非一諒茲丕績宜降優恩乃眷汾陽  
實惟巨鎮據犬牙之內地當馬頰之要津是命酬以勲

庸福其黎庶進國公之品秩崇藩侯之等威俾濬鳳池  
仍加蟬冕 宋王珪除文彥博守司空依前樞密使加  
食邑實封制曰朕若稽先王維御羣品左謀金鉉之老  
以經治於廟堂右屬鴻樞之良以定策於帷幄厥有成  
績可勿褒乎具官某風力肅明器資恢傑臨至劇有轉  
圜之易定大謀如執玉之堅逮事神文之朝已緝熙於  
鼎路追言聖考之遇又密勿於機廷肆涼昧之不承會  
精神於羣慮雖兵民之異本亦文武之交脩未隆贊冊  
之恩曷懋圖庸之舉 元程鉅夫丞相卜憐吉台封河  
南王制曰卜憐吉台智明識遠心廣氣和勲名克篤於

前人藩翰久勤於外服昔將平於內難朕大投艱方深  
計於中途御獨決進志存弼亮身佩安危是用命汝襲  
諸侯王以長守於富貴歸丞相印以自養於壽齡既不  
遠於京師可以時而朝覲 王構平章史弼封鄂國公  
制曰史弼器博而用周志剛而行敏早由禁籞出總戎  
行視長江如履平地居然獲跳盪之功撫疲黎猶保稚  
嬰允矣著綏懷之效始自淮襄之百戰迄於嶺海之同  
風顧宣力獨多推誠弗替終始三朝之眷賜環屢壓於  
宸班優遊六藝之文綏帶雅稱於儒將是宜賁之華綬  
衍以真封以酬既往之勞以示惟新之渥於戲功臣圖

象秩盍冠於褒公元老壯猷忠尚資於方叔益圖報稱  
祇服訓言

表宋謝靈運謝封康樂侯表曰昔強臣暴虐恃僭曆  
紀既噬五都志吞六合遂陷沒西河傾覆南漢陵藉紀  
郢跨越淮泗於時策畫惟疑地險已謝咸懼君臣同泯  
有生無餘亡祖奉國威靈董符戎重盡心所事尅黜禍  
亂功參盤鼎胙土南服逮至臣身值遭秦路日月改暉  
榮落代運輸稅唐化生幸無已不悟天道下濟鴻鈞曲  
成乃眷遐績式是興徵分虎紐龜復顯茅土鳴玉拖紱  
班景元勲澤洽往德恩覃來肩永惟先蹤遠感崩結豈



臣羸弱所當忝承臣聞至公無私甄善則一皇恩遠被  
殊代可侔是以信陵之賢簡在高祖之心望諸之道復  
獲隆漢之封觀史歎古欽茲盛美豈謂榮渥近霑微躬  
傾宗隕元心識其會酬恩答厚罔知所由 顏延之謝  
子竣封建城侯表曰伏見策書降錫息竣開國建城縣  
侯爵踰三等戶越兼千生邀洪禮身茂盛世闡宗革聽  
盡室改觀誠慙末品誤叅其泰臣聞子之能仕父教之  
忠忠教善信臣實負其前誥能仕志政竣固暗於明試  
徒以數遇會昌消憂啓聖幸與靈祚福德共從義勲分  
賞執珪登朝析金受邑慶重慮愆恩往懼積非臣耄蔽

所任圖報豈竣庸薄所能奉服 梁沈約謝封建昌侯  
表曰陛下投袂萬里拯厥塗炭臣雖心不吠堯而迹淪  
桀犬此則王業始基臣所不與徒荷日月之私竟無蒸  
燭之用天命元鳥非止今日受命作周其來久矣雖復  
備數樂推與同謳頌而誠微弱草效闕織塵遂班山河  
之誓叨佐命之賞亦何以慰悅帷帳酬報爪牙

**頌**唐呂溫秦叔寶頌曰洛內之役龍戰未決秦公應  
變臨陣電拔銳氣盡來我盈彼竭成敗反掌存亡奄忽  
虎來風壯鼇轉山沒遂作心膂爰從討伐崩圍陷陣火  
迸冰裂翕如鸚聳縱若鯨突功成國定萬古壯骨

**碑**周庾信柱國大將軍紇于弘神道碑曰太祖文皇

帝始創霸功初勤王室秣馬蒐乘誓衆太原公仗劒轅門粗謀當世隨何遠至實釋漢帝之憂許攸夜來即定曹王之業永熙中奉迎魏武帝入關封鶻陰縣開國子邑五百戶保定元年授使持節都督岷州諸軍事隴頭流水延望秦關川上峨眉猶通蜀道公不發私書不燃官燭獸則相負渡江蟲則相銜出境四年拜大將軍餘官如故衛青受詔未入玉門之關竇憲當官猶在燕山之下公之此授差無慚德渾王叛換梗我西疆巖羌首竄藩籬攜貳公受賑於社偏師遠襲揚旂龍涸繫馬甘

松二十五王靡旗亂轍七十六柵鷄奔雉竄旣蒙用命  
之賞乃奉旋師之樂天和二年被使南征帶甲百萬舳  
艫千里江源水起海若乘流船官之城登巢懸爨吳兵  
習流長驅戰艦風灰箭火倏忽凌城公以白羽麾軍朱  
絲度水七十餘日始得解衣朝廷以晉尅夏陽先通滅  
虢之路秦開武遂始問吞韓之謀是以馳傳追公以爲  
仁壽城主齊將段孝先斛律明月出軍定隴以爲宜陽  
之援公背洛水而面熊山陣中軍而疎行首乘機一戰  
宜陽銜璧增封五百戶進柱國大將軍 唐德宗西平  
王李晟東渭橋紀功碑曰粵若菲德嗣膺大寶化乖柔

遠明不燭幽淮右賊臣提兵犯順晟時總偏師遠戍河  
朔曾不俟召聞難駿奔鼓義勇仗順之師吞敗亡稔惡  
之寇雄威勝勢疾若飈馳設會軍門哭而誓衆國讎不  
滅無以身爲遂發感激嗚咽流涕天地爲之變色將帥  
爲之動心乙未陳師於東郊如虎如豹如熊如羆兇徒  
接戰累合皆北倒戈棄甲罔敵我師乘而殪之摩壘而  
止戍戍方旭連營進攻賊衆相驚股戰魄駭登陴而不  
敢拒闔門而不敢窺晟仗鉞啓行執桴親鼓斂隍塹排  
牆垣勝氣兆於風雲威聲振於原野指顧摧靡盪無孑  
遺布朝旨以寬脅從勵臣節以誅同惡乾軸傾而復紐

皇維弛而更張遷臬聲為好音變妖稜為和氣是知烈  
祖積德人懷其深賢臣佐時功濟斯美俾予從乂垂拱  
仰成乃冊拜司徒兼中書令加食封一千戶 韓愈平  
淮西碑曰九年蔡將死蔡人立其子元濟以請不許遂  
燒舞陽犯葉襄城以動東都皇帝歷問於朝一二臣外  
皆曰蔡帥之不廷授於今五十年傳三姓四將其樹本  
堅兵利卒頑不與他等因撫而有順且無事大官臆決  
唱聲萬口和附并為一談牢不可破皇帝曰維天維祖  
宗所以付任予者庶其在此予何敢不力况一二臣同  
不為無助顏脣武合攻其北道古攻其東南文通戰其

東愬入其西十二年八月丞相度至師都統弘責戰益  
急顏肩武合戰益用命十月壬申愬用所得賊將自文  
城因天大雪走百二十里用夜半到蔡破其門取元濟  
以獻盡得其屬人卒冊功弘加侍中愬為右僕射帥山  
南東道顏肩皆加司空公武以散騎常侍帥鄜坊丹延  
道古進大夫文通加散騎常侍丞相度朝京師進封晉  
國公以舊官相而以其副總為工部尚書領蔡任明  
蘇伯衡岐陽王李文忠勲德碑曰王初上謁年未三五  
帝曰朕甥鞠於內府訓之迪之允文允武乃命之將統  
茲禁旅堅城勅敵一鼓而取維時浙左立國攸恃不有

親賢儔堪付畀乃申王命於斯總制龍節虎符內綏外  
禦德威惟畏近德遠企彼昏者張獨罔顧忌水陸入寇  
輒衄而去乙巳之春裒厥精銳偏我新城侮我無備邊  
吏驚告王曰何畏提兵問罪蹂以突騎鼓噪乘之聲撼  
天地譬以我輅轡彼螳辭其車凡萬幾無噍類旣覆其  
軍遂奪其氣姑蘇之克由是而致姑蘇克矣浙江平矣  
溫台慶紹莫不寧矣相彼七閩廓其清矣大軍雲合取  
燕京矣帝謂王來成算陞受婉孌元君雖云出走尚聞  
假息欲圖進取汝帥汝督往扼其後王辰奉辭行不逮  
酉烝徒肅肅晏及雞狗得地得衆易於拉朽或擒或誅



莫匪戎首頌頌應昌逋逃淵藪不虞我師奄至左右俘  
厥孱王以及妃后豈無寶玉亦有璽綬奏凱來朝喜動  
宸極都督上公特進柱國鎔金爲券以莫不錫 明吳  
伯宗江陰侯吳公良神道碑銘曰桓桓吳公剛毅英烈  
異才間出萬人之傑天戈義旗飛渡大江爭先鼓勇敵  
莫敢當旣定金陵亦下京口公俱在行厥績多有江陰  
崇墉東南要衝屹若砥柱維公之功姑蘇新附命公綏  
靖紀律嚴明大小從命炎荒僻遠命公徂征歷代羈縻  
慕義來庭功成汗馬名載竹帛兄弟二人並著開國河  
山錫誓列侯疏封慶延後嗣與國無窮 王景西平侯

沐公英神道碑曰闔闕寰宇挺生異人依光日月下上  
星辰風雲景從發迹海邦遂荒其區遂搯其吭沈沈樞  
府我寵居之秩秩皇猷我儀圖之載敷恩澤西涉渭源  
載敷國威西上崑崙賀蘭之墟流沙之阻兵不頓刃霆  
驅星昴茫茫井絡氣交神州載清載夷投鞭斷流式遏  
王誅自爾南彛日月出矣燭火何施天兵一麾仆山摧  
壑封其鯨鯢以示大侈額額其城大燾高牙萬方攸同  
六合一家皇帝曰咨予嘉乃績黃金大帶龜判琮璧

死王事子孫封一

 弟封附

 蜀志曰先主退軍義陽傅彤斷後拒戰兵人多死吳

將語彤令降彤罵曰吳狗豈有漢將軍降者遂戰死拜其子僉爲左中郎將後爲關羽都督 魏志夏侯淵虎

步關右所向無前後戰死黃初太和中賜淵子五人皆爵關內侯 文獻通考曰元和十五年穆宗制武德已

來配享及一等功臣并張巡許遠南霽雲顏真卿杲卿太尉段秀實與子孫官有差 冊府元龜曰晉高祖天

福二年制曰或無辜被害或徇節忘生旣抱沈冤宜申贈典應自張從賓作亂以來諸色員僚內有死於王事者並與追贈有子孫者量材敘錄 又曰後周太祖廣

順二年補故控鶴指揮使郭超長男重均充左番殿直

次男重友充右番殿直以父殉王事故也 續文獻通

考曰察罕帖木兒字廷瑞北廷人至正中討山東賊爲

張士誠所刺追封忠襄王封其子阿魯溫汝陽王 弁

州集曰徐增壽雖文后介弟顧靖難密謀殞命廷闕長

陵成悼念子名景昌封定國公

**增**弟封冊府元龜曰開元十五年勅二王後爲賓者無

子孫以兄弟爲後曾經侍養者聽其承襲若死王事雖

不曾侍養亦聽承襲

死王事子孫封二

**增**燒殺

諫死

漢書曰趙王反內史王惲相建德諫不聽遂燒殺惲等景帝封惲子乘之建德

封爵部

封爵部

死王事子孫封

子橫皆為侯 又曰楚王反相張  
尚諫不聽死景帝封尚子居為侯  
短兵 流矢冊府元龜

曰王君諤為左武衛將軍從太宗征遼東與高麗戰於  
駐蹕山君諤先鋒陷陣與賊短兵相接賊以斧錢擊之

墜馬還卒於營太宗深痛惜之子及善嗣拜朝散大夫  
又曰姜確為左屯衛將軍遼東之役以行軍總管督

兵攻蓋牟城中流矢而卒太宗  
甚哀悼之子暉嗣拜朝散大夫  
誅武氏 罵世充文獻

通考曰韓元嘉武后時坐謀舉兵誅武氏遇害訥元  
嘉第五子神龍初復嗣爵冊府元龜曰唐武德二年

伊州總管張善相為王世充兵攻陷賊執善相送於世  
充辭色不撓罵世充極口而死高祖聞而歎曰吾負善

相善相不負吾也封  
第一勲 始九歲冊府元龜曰  
其子為襄城郡公

平京師義寧二年論功行賞其登京城第一勲授光祿  
大夫開國郡公雖第一勲而身死者亦准此其官授子

弟又曰開元二年王海賓為安豐軍使先鋒與吐蕃  
戰歿嗣初名訓年始九歲以父死王事拜朝散大夫賜

名忠 歿於陣 雪其冤續文獻通考曰和尚伯牙吾  
嗣 台氏父忽都思睿宗時戰歿

於陣贈沈國公和尚襲父職又曰脫脫出師討賊中  
毒死御史張冲等雪其冤於是復脫脫官爵而封其子

哈刺章而父死焉刺客害之左傳曰晉荀瑶率師伐鄭次于桐丘鄭請

申國公而父死焉刺客害之而父死焉齊師將興陳成子召顏涿聚之子晉曰隰之役

而父死焉齊師將興陳成子召顏涿聚之子晉曰隰之役而父死焉國之多難未汝恤也今君命汝以是邑也服

車而朝無廢前勞文獻通考曰中郎將征羌侯來歙魏翼叛與祭遵等征之十一年攻公孫述破其兵遣刺

客害之帝嘉歙忠節復殞命敵場害於客館冊府

封歙弟由為宜西侯曰代宗大曆十二年詔曰往者大盜亂華梁宋偏罹其

害危城絕援析骸累月南霽雲真心壯節殞命敵場凜然生氣宜以其子為歙州別駕又曰建中四年敬長

皇后弟吳淑使於朱泚泚謀逆已決因害淑於客館德宗聞而哀悼淑巢父宣慰王璋叅軍冊府元龜曰

嫡子與正員官懷光擁兵河中以給事中孔巢父充宣慰使遇害德宗

聞而驚悼授一子正員官又曰元和五年以贈給事王澹之子璋為左清道率府曹參

軍澹因李錡為亂遇害故錄其嗣封爵部

死王事子孫封

死王事子孫封三

**弟封** (附)

**原** 周苛守滎陽死事子成為高景侯

漢書高惠文功臣表云周苛守滎陽

項羽死事子

食其死事子疥為高梁共侯

又高祖諸侯功

成封為高景侯 臣表 齊侯說齊王死事封子疥為高梁共侯

城戰好時死事子通為襄平侯

紀城以將軍從擊破秦

入漢定三秦功比平定侯 孫印擊匈奴死事子單

為餅侯

又文帝功臣表云孫印以北地都尉

夷吾死

事子周為商陵侯

又景帝功臣表云趙夷吾以楚大傅諫王戊反不聽死事封子周為商陵

侯 穆樂擊南越死事子德為龍侯

又武帝功臣表云穆樂以校尉擊南

越死事封子 廣德為龍侯

**增** 誅成已封沮陽侯

漢書朝鮮傳云朝鮮相路人降道死

右渠之大臣成已又反路人子最告諭其

**原**馬賢父

民誅成已最以父死

頗有功為沮陽侯

子同命封孫為侯東觀漢記順帝紀永和六年十二月詔故將軍馬賢前伐西夷克敵深入

父三人同命其以漢中南鄭之武陽

享封賢孫承先為武陽亭侯食租稅

死封子為侯魏志曰龐德為關羽所獲謂曰不早降何

祖聞而悲之流涕

封其二子為列侯增弟封擊黑闥戰歿弟封淮陽府

元龜曰淮陽士道元高祖從父兄子也擊劉黑闥戰歿

太宗每追痛之嘗從容謂侍臣曰道元始終從朕每陣

先登惜其幼少力不遂心及難平後以其弟武都王道明從封於淮陽國

**增**制唐元稹授田布魏博節度使制曰經曰父母之仇

不同天雖及匹士猶寢苦枕干以期必報是以子胥不



殉伍奢之死卒能發旣藏之墓鞭不義之屍取貴春秋  
名垂萬古而况身備將壇父死人手家仇國恥并在一  
門當懷嘗膽之心豈佚絕漿之禮咨爾先臣惟國元老  
首自河朔來朝帝庭而又東取青齊北討燕趙提挈義  
旅勤勞王家冒白刃而不疑推赤心而自信屬冀方求  
帥余所重難輒自大名付茲巨鎮而中台暗拆上將妖  
侵蝨賊潛窺於腹心豺狼勃興於肘腋人神憤痛朝野  
驚嗟深軫予懷誓擒元惡以爾布詩書并習忠孝兩全  
常用魏師克征淮孽豈無奮檄之圖為報寇讎之黨爾  
其淬礪勇夫敬恭義士一飯之飽必同於士卒一毫之

費必用於戈矛居則席藁寒則抱冰於戲至誠可託稔  
惡難逃矧彼凶殘去將安往墨線在體元纛在前提劔  
執金無忘哀敬 錢翊授合州刺史顏蕘禮部郎中殿  
中侍御史制曰昔太師魯公拘在寇廷渠魁有危迫之  
問對以諸侯朝覲之禮直言不屈守正而歿理命之戒  
家廟為先賢哉鉅人可謂忠而知禮矣今蕘行高學茂  
洪緒有承以禮曹郎命爾用昭遺德且勉令脩

**增碑**唐德宗贈太尉段秀實紀功碑曰張掖郡王秀實  
應期降生扶翼唐祚稟陰陽之粹氣備剛柔之全德蓄  
為淳和發為功烈朕宅帝位之五載賊臣朱泚因時多

虞作亂於京師微公之謀吾幾蔑濟既而密結勇敢誓  
殲寇讎決策剋期中外發應會賊泚召公計事引入閣  
中露其姦情言及僭竊公氣填膺臆植髮衝冠仰天大  
呼孰爲臣子而忍是心語未絕音奮笏前擊兇徒敗面  
旣躡而奔左右愕然初未敢動繼者不至事遂無成逆  
徒交鋒因而遇害訪彼前人稽諸昔賢全大節者不必  
成功建大功者或未立節吉甫以文武翼周室宣王中  
興絳侯以智謀安劉氏文皇紹立茂功著矣而節未可  
稱董卓協國以擅威伍孚刺之而不畏王敦擁衆以稱  
亂周顛折之而無疑竒節偉矣而功竟不就至若屈伸

合變進退知機智以遂其謀勇以決其死中古以還無  
公儔比乃詔有司冊贈太尉諡曰忠烈賜實封五百戶  
莊宅各一所嗣子授三品正員官諸子各授五品正員  
官表其閭里護其喪葬官立祠宇史載忠勲

封功臣後一

**增**文獻通考曰漢高后二年詔差次列侯功以定朝位  
藏於高廟世世勿絕嗣子各襲其功位 魏志曰張遼  
字文遠文帝踐阼進封晉陽侯及薨詔曰合肥之役遼  
以步卒八百破賊十萬自古未之有也其分遼邑賜一  
子爵關內侯 唐書曰高宗總章元年以太原元從西

府功臣爲二等第一功後官無五品者授其子若孫一人第二功後官無五品者授其子若孫從六品一人冊府元龜曰睿宗太極元年親祀北郊詔桓彥範敬暉崔元暉袁恕已張柬之等其子孫並實封二百戶又曰開元二年制曰崔元暉張柬之等往以神龍之初保乂王室奸臣所忌謫居炎海流落變衰感激忠義元暉子璩清才雅韻謹守專直柬之孫恂祖考繼歿遺孤可傷高皇封樂毅之後武帝求蕭何之裔斯不遠哉緬懷前烈宜加後命璩恂並可朝散大夫 會要曰元和二年錄配享功臣之後蘇瓌崔元暉張說狄仁傑敬暉袁

恕已之孫相次錄用焉詔曰旌太傅之德將擬南城之  
封紹鄴侯之裔不俟東門之感 冊府元龜曰唐文宗

太和二年詔曰如遂良

褚

之委曲面諍名垂史書仁傑

狄

之恢復廟社事形先覺宋璟之文吏骨鯁功叅治平

元紘

李

之守規畫一時成有裕其胄僅存不絕如髮各

授邑吏使其自試

玉海曰慶曆三年命天章閣待制

王洙集賢校理歐陽脩詳定國朝勲臣名次上之詔本  
家旣無人食祿者錄其子孫一人自樞府使曹彬而下  
至邵華凡二百四人 又曰紹興三年詔錄用六朝勲  
臣自曹彬至藍元振三百二十人子孫先是徽猷閣待

制宋伯友入對言功臣子孫凋喪殆盡乞訪其後量才  
錄用故有是詔其後得趙普趙安仁范質錢若水諸孫  
皆官之續文獻通考曰忙哥忽都忽子太宗以其父  
功封為郡王吾學編曰桑敬父世傑無為州人洪武  
二十三年封徽先伯誥曰朕當羣雄鼎沸之秋提虎旅  
東渡大江爾父世傑率舟師來歸由是披堅執銳數著  
勤勞既而歿於戰陣已贈侯爵功在國家朕不能忘俾  
蒙先業屢從征伐克底成功茲又擒除奸兇豈不彰美  
前人特封爾為龍虎將軍上護軍徽先伯

封功臣後二

原

無廢二勲

宜宥十世

祀無廢二勲也

臧武仲曰苟守先

祀無廢二勲敢不致邑乃立

臧為

賢者之後宜

何以勸

不宜絕

楚滅若敖氏

十世宥之以勸能者

子文之治楚國曰

尹克黃使于齊復命拘于司敗王思子文之

為善其懼

見墓遂褒

成季之勲

子文無後何以勸善使復其所改命曰生

詔曰楚思

繇之後不宜絕

宣孟之忠

慶幽明

起義烈

冊府元龜曰開元十一年南郊大赦

而亡官失封子孫淪屈者所司勘實具以狀聞存者可

酬其官榮逝者當錄其裔嗣使幽明同慶

有一息

及二人

孔帖曰張嘉貞卒

吉甫當國褒忠

見帝曰陛下待宰相進退皆以禮身雖殉子孫咸在廷

張嘉貞有一息名寶符獨未官帝憫然召拜左司禦率

封

子去疾許遠子峴賜帛百端自是訖僖宗求忠臣後無

封功臣後



不及二人者

垂裕後昆

追考故實

玉海曰貞觀五年詔曰親賢作屏著在周

經支庶畢侯義存漢典無忌元齡如晦敬德各封一子郡公君集子及叔寶知節各封一子縣公俾拜前拜後比蹤曩烈如帶如礪垂裕後昆 兪州集曰嘉靖時下詔追考故實收錄故邪國公遇春曹國公文忠衛國公愈信國公和後俱為徹侯誠意伯基後仍為伯增其秩

封功臣後三

**原**封子寢丘

史孫叔敖子貧負薪優孟即為孫叔敖衣冠抵掌談語像敖莊王大驚以為孫叔敖為相復生

也欲以為相孟曰臣婦言慎勿為相昔孫叔敖為相楚王以霸令死其子無立錐之地莊王於是召敖子封寢丘

丘四百戶奉其祀

封父李侯

李同與敢死士三千人赴秦軍秦軍却李同死封其父為李侯

**增**弓高襄城

漢書云春秋列潞子之爵許其慕諸夏也漢興至於孝文時乃有弓高襄城諸

封雖自外來本功臣後

封功臣後四

制唐元稹授李愿檢校司空宣武軍節度使制曰昔我太師西平王在德宗時能復京邑書於鼎彝每懷宗廟之安實念江東之永而又繼有英哲克全令人惟弟惟兄莫非頗牧尚想德施於十代何憚恩積於一門李愿生長統綺之中蘊鬱驍雄之器始爲夏帥遂著能名旋領徐方會征淮右鄰寇陰狡將助鴟張來犯東郊冀延晷刻爾乃提持戈戟淬礪卒徒一戰而蜂虿盡殲不時而鴟獍就戮聿來岐下號令益明繕完甲兵爲我保障朕以浚郊重鎮尤藉良材俾爲司空以表東夏特我

邦憲用靖爾人 又授劉士涇太僕卿制曰去歲西戎  
跳入涇上京師戒嚴朕慨然有思廉頗李牧之志而習  
事者言爾父司空之在涇也築平涼等八城二堡塹保  
定平原使涇人益樹麥禾以復后稷公劉之教十有六  
年犬戎不敢東顧朕聞其人思見其後果有令子與之  
討論亦自竒士鋪陳將略殊有父風訪其班資則曰亞  
諸卿之間十年矣今命以太僕豈惟報爾先臣亦欲使  
緣邊諸將顧其愛子爲我竭誠

**增**批答唐白居易答劉總謝檢校工部尚書表曰卿幼  
承義訓長有令聞能遵忠孝之風不墜弓裘之業朕所

以命加異等寵冠常倫特授雙旌超等八座豈惟延賞  
亦在任能將懋前脩勉申後効

淵鑑類函卷一百十九



淵鑑類函卷一百二十

封爵部三

德行封  
恩澤封

增聖賢裔封  
外戚封  
追封

尊賢繼絕封

增

子孫貴封附

德行封一

原

白虎通曰王者即位先封賢者憂人之急也 又曰

盛德之士封之所以尊有德也

增天中記韋昭辨釋

名公貢也才德兼人貢薦於王而用之也辨曰公直也取正直無私也孟子正義曰爵位盛大以無私爲德者公也又曰斥候於外以君人爲德者侯也風俗通曰伯者長也白也言其咸建五長功實明白也孟子正義曰

子字也字養也其德足以養人者故曰子也又曰男任也任安也其德足以安人者故曰男也

德行封二

**增**聖賢裔封附

**原**書大傳武王勝殷箕子之朝鮮因以封之 石慶積

行封為牧丘侯

**增**山堂考索曰張騫封博望侯取其

廣博瞻望霍光為博陸侯取其博大陸平

**原**漢孔光

傳云光父霸治尚書選授太子經遷詹事高密相是時

諸侯王相在郡守上元帝即位徵霸以師賜爵關內侯

號褒成君

漢張禹傳云禹善說論語初元中詔令授

太子由是遷光祿大夫元帝崩成帝即位以師賜爵關

內侯 東觀漢記光武紀云建武元年詔曰前密令卓茂東身自修執節淳固誠能爲人所不能爲夫名冠天下當受天下重賞今以茂爲太傅封褒德侯案東觀記續漢書皆作宣德侯

**增**

聖賢裔封玉海曰平帝元始

元年封周公後公孫相如爲褒魯侯

後更爲姬氏

孔子後孔

均爲褒成侯

秩二千戶

奉其祀

文獻通考曰漢章帝元和

二年東巡狩過魯祠闕里以太牢祠孔子及七十二人作六代之樂大會孔氏男子二十以上者六十三人帝謂僖曰今日之會於卿宗有光榮乎對曰臣聞明王聖主莫不尊師貴道今陛下親屈萬乘辱臨敝里此乃崇



禮先師增輝聖德至於光榮非所敢承帝歎曰非聖者子孫焉有斯言乎遂拜僖郎中 玉海曰魏文帝黃初

二年以議郎孔羨爲宗聖侯 又曰晉武帝泰始三年

改宗聖侯孔震爲奉聖亭侯 又曰後魏封孔乘爲崇

聖大夫孝文太和十九年封珍爲崇聖侯 又曰北齊

改封恭聖侯 又曰後周武帝改鄒國公 又曰隋煬

帝改紹聖侯 續文獻通考曰顏欽明詩禮易尚書多

所通說學者宗之爵葛繹縣子謚曰貞師古太宗即位

拜中書侍郎琅琊男奉詔校定經史修五禮成進爵子

玉海曰唐貞觀十一年封孔子裔德倫爲褒聖侯開

元二十七年以其嗣為文宣公任州長史代代勿絕  
續文獻通考曰孔子四十代孫振唐懿宗咸通四年狀  
元及第仕至刑部員外郎襲封文宣公 冊府元龜曰  
後唐莊宗同光二年詔曰皇帝御宇禮三恪而為賓烈  
士敦風賴五帝而濟世當宜崇封後裔欽奉前修應前  
代二王三恪及文宣王之後並可各令繼絕 玉海曰  
太平興國三年以孔宜襲封文宣公 續文獻通考曰  
仁宗景祐四年孔道輔守兗州訪孟子後得寧薦於朝  
授鄒縣主簿 又曰孔子四十八代孫端友字子交宋  
崇寧三年襲封衍聖公端友于建炎初偕叔父孔傳姪

孔玠扈從高宗南渡寓三衢 又曰理宗淳祐元年追封先儒周敦頤汝南伯程顥河南伯程頤伊川伯張載邵伯寶慶元年追封朱熹信國公改徽國公 又曰明正德間山東僉事錢宏訪得曾子之後一人於嘉祥深山中未請於朝後竟湮沒嘉靖十二年吏部侍郎顧鼎臣奏准訪求曾氏滴派得嵩兗兄弟以生長南方不樂北徙唯質粹肯行授翰林院五經博士世襲

德行封三

**聖賢壽封附**

**原道**以經術

示我德行

漢書蕭望之傳云制詔御史國之將興尊師而重傳故前

將軍望之傳朕八年道以經術厥功茂焉其賜望之爵關內侯食邑六百戶 東觀漢記桓榮傳云明帝詔曰

五更沛國桓榮以尚書授朕十有餘年示我德行爵開內侯食邑五百戶

**增**謹重 忠烈

漢書曰宣帝以劉德謹重封為陽城侯

資治通鑑曰

公

**選建**

**特封**

山堂考索曰先王之封建選建明德茂啟崇勳

之為王者封爵僅止其身而子孫無問嫡庶不過承蔭入仕為環衛官必須歷任年深方特封以王爵而其祖父所授之爵

則不襲也

**必享其樂**

**特為立名**

漢書曰郡吉有陰德於孝宣帝

微時帝聞將封之會吉病將使人加紳而封之夏侯勝曰此未死也臣聞有陰德者必享其樂以及子孫後愈封為博陽侯 彙苑詳注曰隋樊子蓋進爵封為濟公言其功濟天下特為立名無此郡國

**裔封**梅福復言

**祭遵建議**

聖裔絕不能紀匡衡議宜

以孔子世為湯後上以其語不經遂寢成帝時梅福復言緩和元年立二王後推迹古文以左氏穀梁世本禮

記相明遂封孔子世為殷紹嘉公 又曰祭遵傳遵建議為孔子立後奏置五經大夫 別定美

封爵部

德行封

日

號不領他職又曰宋仁宗二年太常博士祖無擇言

宣王以其後為文宣公不可以祖謚而加後嗣也請詔

有司別定美號於是詔封為衍聖公令世襲又曰哲

宗元年改為奉聖公除寄祿官主祠事不領他

職增賜田百頃賜書從鴻臚卿孔宗翰之言也

一品帶去二胯續文獻通考曰孔子第五十七代孫

時革丞相每入朝令列文臣首賜一品金織衣又曰

第六十一代孫弘緒字以敬景泰六年八歲襲封衍聖

公賜鶴袍玉帶如例以其軀

小去二胯俾藏之以為祭

年授孔子五十五代孫克堅嘉議大夫襲封衍

麟服上詳帶去二胯注續文獻通考曰孔子第六

十二代孫聞紹字知德以弘治十六年封衍聖

公賜麒麟服白玉帶黃金盆

德行封四 附 聖賢裔封 附

**增**制唐蘇頌授安金藏右驍衛將軍制曰安金藏家本孝悌身全忠懇往在周朝困於酷吏共誣良善敢謗太皇不任楚毒並加刑憲金藏乃自刺心肺見其誠節因而寤主實賴斯人則弘演納肝田光吞舌求之既往未足爲喻眷言酬德自可超倫彰其貞固之美拜以誰何之任

**增**聖賢齋封詔魏文帝黃初二年詔曰昔仲尼資大聖之才懷帝王之器當衰周之末無受命之運乃退考五代禮修素王之事因魯史而制春秋就太師而正雅頌俾千載之後莫不宗其文以述作仰其聖以成謀誠可

謂命世之大聖億載之師表者也遭天下大亂百祀墮  
壞舊居之廟毀而不修褒成之後絕而莫繼闕里不聞  
講頌之聲四時不覩烝嘗之位斯豈所謂崇德報功百  
世必祀者哉其以議郎孔羨爲宗聖侯 唐元宗開元  
二十七年詔曰弘我王化在乎儒術夫子自天攸縱將  
聖多能德配乾坤身揭日月年紀寢遠光靈益彰雖代  
有褒稱而未爲崇峻不副於實人其謂何夫子旣稱先  
聖可追謚爲文宣王

尊賢繼絕封一

**原禮記**曰天子存二代之後猶尊賢尊賢不過二代武

王克殷未及下車而封黃帝之後於薊封帝堯之後於

祝封帝舜之後於陳下車而封夏后氏之後於杞殷之

後於宋 左傳鄭子產曰昔虞闕父爲陶正以服事我

先王先王賴其利器用與其神明之後也庸以元女太

姬配胡公而封諸陳以備三恪注胡公闕伯子舜後也周得天下封夏殷二王

後又封舜後謂之三恪恪敬也其禮轉降示敬而已故曰三恪 史記曰高帝過趙問

樂毅有後乎得樂叔封之躡鄉號華成君華成君毅之

後也 漢書曰自古受命及中興之君必興滅繼絕修

廢舉逸然後天下歸仁四方之政行焉傳稱武王克殷

追存賢聖至乎不及下車世代雖殊其揆一也高祖撥

封爵部 尊賢繼絕封



亂日不暇給然猶修祀六國求聘四皓過魏則寵無忌  
之墓適趙則封樂毅之後孝武疇咨前代初得周後復  
加爵邑元成之間晚得殷世以備賓位 又曰武帝還  
過洛陽詔曰周室邈而無祀得孽子嘉其封爲周子南  
君 又漢武元狩中復以鄼戶二千四百封蕭何曾孫  
慶爲鄼侯布告天下令明知朕報以蕭相國德慶厚也

又曰元康四年立靳翕夏侯嬰陳平張良周勃等一  
百一十八人後紹爵復家也 又曰高祖功臣侯者子  
孫驕逸多陷法禁訖於孝武靡有子遺於是成帝復紹  
蕭何而哀平之世復曹參周勃之後 東觀漢記和帝

詔曰高祖功臣蕭曹爲首有傳世不絕之誼曹相國後容城侯無嗣朕甚愍焉望長陵東門見二臣之墓生旣有節終不遠身誼臣受寵古今所同遣使者以中牢祠大鴻臚悉求近親宜爲嗣者須景風紹封以彰厥功

**增**文獻通考曰建武二年詔曰唯宗室列侯爲王莽所廢先靈無所依歸朕愍之其並復故國

**原**晉陽秋曰

夏侯惇魏之元功勲書竹帛昔庭堅不祀猶或悼之况朕受終於魏而可忘其功臣哉其擇惇近屬封之

晉

中興書曰元帝紹封魏後曹勵爲陳留王 又曰太元二年興滅繼絕復故陳騫後浩之爲高平公裴秀後球

為鉅鹿公王沈後朴之為博陵公荀勗後軌為濟北侯  
何曾後闡為朗陵侯羊祜後法興為鉅平侯 **增**玉海  
曰永昌元年以周漢後為二王舜禹湯之裔為三恪神  
龍元年復舊 冊府元龜曰德宗貞元九年詔九廟配  
饗功臣封爵廢絕者宜令紹封以時享祀

尊賢繼絕封二

**原**尊賢不過二代 封陳以備三恪 並詳第  
一條 成湯革

夏而封杞 武王入殷而封宋 所以興滅繼  
絕也並文選 復始

撫厲 公侯之子孫必復其始  
伯有為厲子產立公孫  
洩及子良止以撫之曰鬼有所歸乃不為厲吾為

之歸也洩子孔之子良止伯有之  
子皆為國所殺立其後以撫之 纂乃前修 食其

舊德

宜遵封宋之文

果協屏周之典

**增**不渝

最長

存三恪秩比二王後魏孝文帝十代孫元伯明器

蘊中

和業彰前烈謙而不渝信而可復主魏祀者非爾

而誰

可襲封韓國公文獻通考曰從式太祖曾孫神

宗熙

寧元年詔以太祖肇造區夏今中書門下考太祖

之屬

籍近行尊者一人裂地王之於是從式最長乃封

安定

郡王

損益

唯立二王之後將廣繼絕之恩式弘復古之道宜

於後

魏子孫中簡擇譜屬灼然相承者一人惟鄭公例

定為

三恪又九載處士崔昌上封事推五行之運以

國家

合承周漢其周隋不合為二王後請發詔下尚書

省集

公卿議會集賢院學士衛包抗表陳論議之夜四

星聚

於尾宿天意昭然帝心遂定乃求殷周漢後為三

格廢

韓介

鄭等

公

僚寇

伐杞用夏郊牧野降休宋承殷祀爰及魏晉禪代

相仍

山陽賜流於當塗陳留受封於典午上天迴睽授

封爵

部

尊賢

絕封

曆朕躬隋氏順時遜其寶位敬奉休命敢不對揚永作  
我賓宜開土宇其以萬之鄰邑奉隋帝為鄭公仍立周  
後介公共為二王又開元二十五年制曰夏典有虞  
賓之位周書載微子之封皆所以啟迪前王發揮後嗣  
故介國公宇文超男晏倬彼茂緒曰于嘉  
客爰復爾國以承天休可襲封介國公  
當崇後裔

載稽舊典

冊府元龜後唐莊宗同光二年詔曰皇帝  
御宇禮三恪而為賓烈士敷風賴五帝而

濟世當宜崇封後裔欽奉前修應前代二王三恪及文  
宣王之後並可各令繼絕仍加恩命又曰晉高祖天  
福四年勅周受龍圖立夏殷之祀唐膺鳳曆開鄰介之  
封歷代相沿存正不易朕顯符景運紹啟不基乃瞻前  
朝載稽舊典宜開土宇俾奉宗祧宜以郟國三  
千戶封唐許王李從益為郟國公奉唐之祀

尊賢繼絕封三

原

興滅國繼絕世

白虎通曰王者受命而作興滅國繼  
絕世何為先王無道妄殺無辜及嗣

子幼弱為強臣所奪子孫皆無罪  
惡而絕重其先人之功故復立之

內怨之君樂繼絕

世隆名之主安立亡國

漢書功臣表序

微子賓於王家

禮成王既

黜殷命命微子啟代殷後

蔡仲侯於東土

蔡叔既沒王命蔡仲

踐諸侯位命曰肆

死王事之子

詳前

治楚國之後

思王

子文之治楚國立

封霍光曾孫陽等復故爵

漢平帝紀封故

其孫克黃為後

大司馬博陸侯霍光從父昆弟曾孫陽宣平侯張敖元

孫慶忌絳侯周勃元孫共舞陽侯樊噲元孫之子章皆

為列侯 賜酈商孫明友等關內侯

又云賜故曲周侯

復爵

封山陽公奉漢祀

帝王世紀

明友等百一十三人爵

封陳留王奉魏祀

又云魏常

建康元年禪位黃初元

封陳留王奉魏祀 石苞國祚莫繼以孫行為公

起

熙二年禪晉泰始元

居注元康元年詔口故樂陵公石苞

王基爵祚再絕

國祚莫繼其特以苞孫行為樂陵公

石苞

王基爵祚再絕

尊賢繼絕封

以孫恢紹公

又曰司空王基爵祚再絕以其故安陽令振次男恢紹爵祚

**增**

二王後兄弟

冊府元龜云開元十五年勅二王後為庶者無子孫以兄弟為後曾經侍養者聽其

承襲

唐朝宗屬中取一人

以文云晉高祖天福二年勅周以祀宋封夏殷之後為二王

後兼

封舜之後為三恪唐以周隋之後封公又封魏之後為三恪今宜於唐朝宗屬中取一人封公世襲兼隋

之鄰公

後周介公備三恪唯周義不可廢玉海云嘉祐四年詔以柴氏後為崇義公奉周

祀先是

著作何馬言宜訪唐周苗裔備二王後禮院議唐世已遠唯周義不可廢遂封崇詠世宗從孫

尊賢繼絕封四

**增**

詔漢安帝續封功臣詔曰夫仁不遺親義不忘勞興

滅繼絕善善及子孫古之典也昔我先武受命中興恢

弘聖緒橫被四表昭格上下光耀萬世祉祚流衍垂於

罔極予末小子夙夜永思追惟勲烈披圖按籍建武元  
功二十八將佐命虎臣讖記有徵蓋蕭曹肇封傳繼於  
今況此未遠而或至乏祀朕甚愍之其條二十八將無  
嗣絕世若犯罪奪國其子孫應當充後者分別署狀上  
將及景風章叙舊德顯茲遺功焉

**原表**魏武帝謝襲費亭侯表曰不悟陛下乃尋臣祖父  
厠豫功臣克定寇逆援立孝順皇帝謂操不忘獲封茅  
土聖恩明發遠念桑梓日以臣爲忠孝之苗不復量臣  
才之豐否旣勉襲爵邑忝厥祖考復罷上將鈇鉞之任  
兼領大州萬里之憲內比鼎臣外參二伯身荷兼紱之



榮本枝賴無窮之祚也昔大彭輔殷昆吾翼夏功成事  
就乃備爵錫臣東修無稱統御無績比荷殊寵策命褒  
績未盈一時三命交至雙金重紫顯以方任雖不識義  
庶知所尤 又郭嘉有功臣死宜追贈封表曰臣聞褒  
忠示寵未必當身念功惟績恩隆後嗣是以楚宗孫叔  
敖顯封厥子岑彭旣沒爵及支庶誠賢君殷勤於清良  
聖祖博篤於明勲也故軍祭酒洧陽亭侯潁川郭嘉立  
身著行稱茂鄉邦與臣參事盡節爲國臣今日所以免  
戾嘉與其功方將表顯使賞足以報效薄命天殞不終  
美志上爲陛下悼惜良臣下自毒恨喪失奇佐昔霍去

病蚤死孝武爲之咨嗟祭遵不究功業世祖望極悲慟  
仁恩降下念發五內今嘉隕命誠足憐傷 梁任昉爲  
褚綦代兄襲封表曰一日被司徒符印稱詔二日許臣  
兄賁所請以臣紹封南康郡公臣世屬啟聖運偶時來  
尚德疇庸光錫土宇臣賁載世承家兄居長德而量已  
夙退內事園蔬以臣行達幽明早酷荼苦賁天倫冥至  
友愛淳深非直引堵推溫故能逃迹讓位鞠育提養以  
及人次事死讓生尚均脫屣取信十室本若錙銖乃遠  
謬推恩近霑庸薄能以國讓弘義有歸匹夫難奪守以  
勿二昔武始迫家臣之策陵陽感鮑子之言張以誠請

丁爲理屈且大宗絕緒命臣出纘傍統稟承在昔理絕  
終天永懷情事觸感崩裂伏惟陛下俯權孤門哀榮之  
重爰奪臣賁一至之輕察其丹款特賜停絕至公允穆  
微臣克幸 又表曰近冒披款庶蒙克亮奉被還詔未  
垂矜允伏讀周遑罔冥心誠臣本凡劣身名不限標一  
善不足以驗風流存小讓不足以弘進止若乃富埒千  
駟貴有邦家二者之來不期而至中人猶其趨趨凡近  
固宜勉勗直以門緒有歸長德無二若使賁高延陵之  
風臣忘子臧之節是廢德舉豈曰能賢陛下留心孤門  
特深追遠故臣窮必呼天憑威咫尺賁嬰疾沈固公私

廢禮逢不世之恩遂良已之志確然難奪有理存焉臣  
既承先旨出纘傍統受命有資反身何奉敘心感悼義  
迫窮誠臣貴息霽年將志學禮及趨拜且私門世適二  
三攸序若天眷無已必降殊私乞以臣霽奉膺珪社伏  
願陛下聖慈曲垂矜慎如蒙哀允施重含育 周庾信  
功臣不死王事請門襲封表曰臣聞以法施民必傳記  
典以勞定國必有承家孫叔敖祭酹無聞有傷良相女  
叔齊肩嗣絕沒實貶賢臣謹案大統十六年格先有封  
爵死於王事絕嗣者聽以支子繼襲非死王事不許承  
封前牒五等功臣皆是勤勞王室身當患難扞禦災禍

翼贊大猷一日遇疾身捐館舍不幸無肩享祀便絕於禮則不足於義則有傷未求上林之獵已削其侯不服檐榆之衣先除其國伏惟皇帝崇德旌庸興亡繼絕聞鼓鼙而思將帥畫雲臺而念舊臣豈有功存社稷而無後可守事盡忠貞而無祠可祭周於藩屏爲約事在世功漢以山河爲誓義存長久臣聞存人之國大於救人之災立人之後重於封人之墓竊以殷朝繼及無廢小宗周室興亡貴存身後紹高密者累葉豈專鄧禹之正肩嗣平陽者重世何必曹參之嫡孫愚謂生有其勞死非王事雖在支庶並聽承襲幸使伯有之魂不能爲厲

若敖之鬼其無餒而幽顯對揚人神咫尺

**增判**唐周彥之對遺腹襲侯判曰乙在夢徵蘭生逢集  
蓼岐嶷繼體戀弓冶之餘徽詩禮無聞想山河之舊業  
望九原而不作松石增哀思五等之崇班茅封闕嗣同  
夫嵇紹未有識於巨源類彼叔敖亦無言於楚相當今  
封比干墓式商容閭豈可使諸葛之苗隨時歇滅樂毅  
之後沒代湮淪况乎血屬詳明宜存必復之始手文昭  
著須傳幹父之能討以前聞義何殊於仲子酌其故事  
跡頗類於周文

恩澤封一

**增**蔡邕獨斷曰漢異姓婦人以恩澤封者曰君比長公  
主魏志曰漢制凡人君特所寵念皆賜之封邑及丞相  
初拜亦錫茅土號曰恩澤出自私情非至公之封也中  
興以來無有封者

**原**公孫弘傳曰漢帝以列侯為丞

相唯弘無爵詔以高成之平津鄉戶六百五十封丞相  
弘為平津侯其後以為故事至丞相封自弘始也

魏

志崔林傳云林為司空封安陽亭侯邑六百戶三公封  
列侯自林始也

**增**資治通鑑曰天寶九年賜安祿山

爵東平郡王唐將帥封王自此始

記纂淵海曰國朝

之制食邑滿萬戶乃封國公杜衍既致仕因郊祀當加

惠而食邑未滿萬戶特詔封祁國公蓋異禮也 文獻

通考曰按孟堅述西都列侯除王子之外以功臣爲一表外戚恩澤爲一表蓋功臣者以勲績顯著而得之者也外戚恩澤者以遭逢忝竊而得之者也然裔夷之降虜有何勲庸乃儕之功臣宰相而封侯未爲恩澤乃儕之恩澤又博陸之定大策輔幼主長平冠軍之征匈奴取朔方破祁連其殊勲偉績本不緣椒房至李貳師則祇緣女寵以進伐大宛得名馬之事又不足言今列貳師於功臣列博陸長平冠軍於外戚抑揚之意殊所未喻 記纂淵海曰錫土非所以逮無功割戶實所以封



有德苟有寵過其量是謂食浮於人 李靖表會要曰

景龍三年兵部尚書韋嗣立上疏曰皇運之初功臣食

封才三二十家今恩澤受封至百四十家已上

### 恩澤封二

**增**以勞 無勲 文獻通考曰東鄉侯籍建都鄉侯良賀

勞封 隋書曰李崇以父賢勲封迴樂縣侯時年尚小

親族相賀崇獨泣賢怪而問之對曰無勲於國而幼小

封侯當報主恩不得終於養 迎奉 經略 文獻通考

是以悲耳賢由是大奇之 迎奉 經略 曰廣德元年

年西蕃犯京畿代宗幸陝北至華陰魚朝恩以大將軍

至迎奉六師方振由是深加寵異永泰二年封鄭國公

又曰楊復恭樞密使元翼之子也以父蔭入內侍省

元翼卒起復為樞密使僖宗自蜀還京時行在制置內

外經略皆出於復恭 父母 妻室 冊府元龜曰後唐

車駕還京封魏國公

曰在朝文武臣僚並諸道節度刺史等有父母者宜編  
加恩澤使天下之為人父者知感為人子者知思又

三年勅夫子立言備有開睢之樂春秋垂訓非無石窳  
之封夫尊於朝妻貴於室所宜從爵各顯家肥朝臣及

諸道節度使妻室未  
有稱號者宜各加恩  
巧為奏  
恥與列  
攝安眾侯劉

崇與張紹攻宛而敗詔紹兄竦崇父嘉詣闕自歸竦因  
嘉作奏莽荇大悅太后下詔封嘉師禮侯嘉子七人皆

賜爵關內侯又封竦為淑德侯長安人為語曰力戰  
不如巧為奏  
太平御覽曰元和元年遂置鴻都學畫

孔子及七十二弟子像其諸生皆勅州郡三公舉  
用辟名乃有封侯賜爵者士君子皆耻與為列  
功

無橫草  
封忝賜履  
會要曰景龍二年食封邑者一百

者封建頗綠恩澤功無橫草人已分茅  
杜衍封祁國公遺奏有曰非萬戶而忝賜履之封自三

少而庶司  
日侍左右  
不離輿衛  
文獻通考曰高力

成之重  
入禁中元宗在藩力士傾心奉之及平內難昇儲位力  
士居內坊日侍左右從幸成都還封齊國公  
又曰李

封爵部  
恩澤封

輔國本名靖忠元宗幸蜀郡肅宗承命北巡輔國以廢  
卒從小心恭慎晝夜不離輿衛及即位令掌四方文奏  
恩遇稍崇又改名輔國  
既復二京封郾國公  
寵章非次  
行食有加  
紀纂

### 恩澤封三

**原**即墨大夫官無留事

史記田完世家云威王召即墨大夫而語之曰自子之居即墨

也毀言日至然吾使人視即墨田野闢民人給官無留  
事東方以寧是子不事吾左右以求譽也封之萬家

**人君特寵**

晉中興書云漢制人君特寵皆賜之封邑

張釋勸王諸呂

漢書

外戚恩澤侯表注以大調者  
張釋勸王諸呂封為建陵侯

封樂大為樂通侯

漢外戚恩

澤侯傳云考武以方  
術封樂大為樂通侯

封千秋為富民侯

漢書車千秋

千秋上書詔衛太子寬上頗知太子惶恐無他意乃大  
感悟謂千秋曰父子之間人所難言公獨明其不然此

高廟神靈使公教我公當遂為吾輔佐立拜千秋  
為大鴻臚數月遂代劉屈楚為丞相封富民侯

閱

故事乃封楊賜

後漢楊賜傳云帝南宮閱錄故事得賜所上張角奏及前侍講注籍乃感悟下

詔封臨

以舊恩而封彭祖

漢宣帝紀云故掖庭令張賀有舊恩而封賀所子弟

子侍中中郎將彭祖為陽都侯案師古注曰所子者言養弟子以為子

**增**以恩澤封文

通考云南繼侯陳茂郭后叔父梁之壻以恩澤封

久宿衛

又云宦者龍亭侯蔡倫桂陽人元初

元年鄧太后以倫久宿衛封邑三百戶

**原**龍潛之舊

魯國先賢志云桓帝封鮑吉詔曰吉

與朕有龍潛之舊封西鄉侯

河東太守為天下最

魏志杜畿為河東太守十六年

常為天下最文帝即位賜爵關內侯

董猛固讓封邑

晉起居注云惠帝永平元年詔曰侍

中董猛固讓封邑其封武安侯

**增**恩澤封優於滅吳功

晉惠帝初楊

駿輔政大開封賞石崇與何攀共奏曰吳會僭逆幾於百年先帝蕩滅逋寇謀臣猛將猶有竭力之効而今恩

澤之封優於滅吳之功不安也

澤之功不安也

一時恩澤豈足為長世之軌

文獻通考云程

封爵部

恩澤封

駿傳元魏獻文崩初遷神主於太廟有司奏舊事廟中  
執事官例皆賜爵駿以為不可表曰臣聞名器為帝王  
所貴未聞預事於宗廟而獲賞於疆土雖一時恩澤豈足為長世之執乎  
安樂太平取富

戶冊府元龜云景龍三年應食封邑者一百四十餘家  
應出封戶凡五十四州皆天下膏腴物產其安樂太

平公主封又取富戶不在捐免  
限百姓著封戶者甚於征行  
代李輔國文獻通考

以宦者直內侍省代宗即位以其誅越王係黨與功拜  
飛虎副使尋代李輔國判元帥行軍司馬封邠國公

未滿萬戶玉海云宋敏求錄慶曆七年南郊中外將

皆得封乳母子封續文獻通考云力渾迷力塔塔世祖

冀國公又云完顏伯顏成宗乳母夫

### 恩澤封四

**增**制唐李嶠授張昌宗麟臺監制曰張昌宗鐘鼎盛門

珪璋重器碩學總於丘墳高才軼於睢渙每懷五嶽之  
舉期陟九仙之路雖混濟之量未去朝廷而元遠之心  
恒對山水頃立功祠廟欲以致福朕躬嘉其懇誠用增  
顯秩固辭侍從之班願在優遊之地子雲寂寞雅好文  
詞季長博通堪典經史宜因松柏之性處以蓬萊之山  
可麟臺監餘如故 薛廷珪授內官劉益謙加官制曰  
劉益謙惟爾參我樞近之務副我腹心之求允謂才難  
克彰試可委任斯重端莊有聞冰清繩直潔已蒞事數  
馬而對問樹不言稽爾秉持稱吾宥密是用升之峻級  
真彼崇班宜保優異勉圖始終

**增**碑唐鄭薰內侍省監楚國公仇士良碑曰公弱冠以  
辨智取位強仕以幹蠱居官及蒞大政以機略致勲勞  
臻於貴壽以恬退保終始事在簡冊爵極天人出入七  
朝顯揚三紀擊鞠廣場則馳先百馬彎弧迥野則飛落  
雙雕故得侍娛遊則三領五坊承顧問則八加供奉

外戚封一

**原**漢書曰漢興外戚與定天下侯者二人故誓曰非劉  
氏不王若有亡功非上所置而侯者天下共誅之 又  
曰高祖封呂后父呂公爲臨泗侯兄澤爲周呂侯 又  
曰文帝封后弟薄昭爲軹侯又鄔侯駟鈞以齊王舅侯

周陽侯趙兼以淮南王舅侯 又曰薄昭竇嬰上官衛

霍之侯以功受爵其餘后父據春秋褒紀之義帝舅緣

大雅申伯之恩寢廣博矣 又曰景帝封太后弟姪竇

廣國爲章武侯竇彭祖爲南皮侯竇嬰以破吳楚功封

魏其侯后弟王信爲蓋侯 又曰武帝封太后同母弟

田蚡爲武安侯勝周陽侯皇后姊子霍去病伐匈奴封

冠軍侯 史記曰武帝衛后弟青封長平侯四子皆封

侯貴震天下天下歌曰生男無喜生女勿怒獨不見衛

子夫霸天下 **增**漢書曰宣帝制御史賜外祖母號爲

博平君 **原**漢書曰河平二年上悉封舅王譚爲平阿



侯商成都侯根曲陽侯逢時高平侯立紅陽侯五人同日封故世謂之五侯 東觀漢記曰馬防兄弟三人各六千戶防爲潁陽侯特以前參醫藥勤勞綏定西羗以襄城羹亭一千二百戶增防防身帶三綬寵貴至盛

又曰光武封新野王子鄧泛爲吳侯皇考姊子周均爲富波侯追封外祖樊重爲壽張侯重子丹爲射陽侯孫茂爲平望侯彛鄉侯從子冲更父侯后父陰隆宣陽侯子識原鹿侯就爲信陽侯皇考女弟子來歙征羗侯弟由宜西侯以寧平公主子李雄爲新市侯后父郭昌爲陽安侯子沅縣曼侯兄子竟新鄴侯匡發干侯以姨子

馮邯爲鍾離侯 又曰明帝封太后弟陰興爲鮦陽侯

子傅隱強侯陰盛爲無錫侯楚王舅子許昌龍舒侯

又曰鄧訓自中興後累世寵貴凡侯者二十九人東京

莫比 魏志曰文帝欲追封太后父母尚書陳羣議自

古無婦人分土命爵之制秦違古法漢氏因之非先王

之令典也帝曰此議是也 **贈** 又曰卞隆以后父封睢

陽鄉侯 晉書穆章皇后何氏名法倪準之女也後追

贈父光祿大夫封晉興侯 太平御覽曰袁靖皇后王

氏字穆之司徒左長史濛之女也初爲瑯琊王妃哀帝

即位拜皇后追贈父濛金紫光祿大夫封晉安縣侯

文獻通考曰李祖勳祖昇弟齊文宣時以女為王妃封

丹陽王

外戚封二

**增**先褒紀子

追封靈文

冊府元龜曰周桓王將納后於紀紀本子爵故先褒為侯

又曰漢文帝即位薄太后母前死葬櫟陽北帝乃追封太后父為靈文侯會稽郡置園櫟陽亦置靈文夫人園

作炭

採桑

史記曰竇皇后兄長君弟曰廣國字少君年四五歲時為人所累賣至宜

陽為其主入山作炭寒卧岸下岸崩盡厭殺計者少君獨得脫自小數日當為侯從其家之長安聞竇后新立

廣國去時雖小識其縣名及姓又常與其姊採桑墮用為符信上書自陳皇后召見持之而泣乃厚賜田宅金

錢封公昆弟

順成

桑樂

冊府元龜曰漢昭帝即位追尊皇太后外祖趙父為

順成侯又曰上官安上官皇后父也初安女入為昭帝婕妤安為騎都尉月餘立為皇后安以后父封桑樂

侯 帝舅嘉 后父昌 冊府元龜曰漢宣帝許皇后父

時為大司馬車騎將軍輔政八九年矣及成帝立久之

以特進侯就朝位又曰後漢光武郭皇后父昌真定

人仕郡功曹建武二十 湖陽立廟 陵旁建塋 冊府元龜

曰樊重光武外祖也建武十八年帝南祠章陵過湖陽

祀重墓追爵謚為壽張敬侯立廟於湖陽又曰和帝

永元九年追尊帝母梁貴人為恭懷皇后詔追封謚

皇太后父竦為褒親愍侯建塋於恭懷皇后陵旁

臨泗 觀津 上詳第一條 冊府元龜曰魏郭永安平

謚永為安陽鄉敬侯青龍三 尚三主 封二伯 金史

年又追改封永為觀津敬侯 尚三主 封二伯 曰蒲

察鼎壽欽懷皇后之父也通契丹漢字長於吏治封太

尉越國公長子辭不失又三尚公主而不以勢驕人

績文獻通考曰昭皇后母儀奕世 大啟土宇 分食

幾於文妣以故張氏得封二伯 大啟土宇 分食

名城 冊府元龜曰外戚之尊由來尚矣肇自周室降及

漢家從母后之族貴皇嬪之親或追崇名謚建置

封爵部

外戚封

寢園或茂錫珪璋大教土宇蓋王者展因親之孝重齊  
體之道焉又曰夫三代之降后妃之家重侯累爵席  
寵連封或一門三王或同族五侯分食名城預聞朝政  
車服之制名器之重寢或踰焉西京呂王之勢東都梁  
竇之權不反三隅同歸一貫俾上微不  
當之譏下免無功之誚惟明聖能焉  
免無功之誚  
本大勲而成  
上詳分食名城注續文獻通考曰高  
皇帝無外家三尺之脣以故王爵廟貌  
雖極隆於揚徐而朱邸自功臣外無兩者若李隴  
西由尚主而擔爵然亦岐陽大勲所推本而成

### 外戚封三

**增** 遭逢

文獻通考曰外戚恩澤者以遭逢忝竊而得之者也

**原** 穰侯成陶邑之

封

素子云穰侯攻齊五年秦不益尺寸之地反成陶邑

南之封故戰勝大臣

專益地則

私封之也

逮高祖而侯者三人漢書外戚傳云高祖

人也高祖為漢王元年封呂公為臨泗侯後呂后為人  
剛毅佐高帝定天下兄二人皆為列將從征伐長兄擇

為周呂侯次兄釋之為建  
成侯逮高祖而侯者三人

與定天下侯者二人

一詳第  
一條

四人為王六人為侯

漢高后紀云惠帝崩太子立為  
皇帝年幼太后臨朝稱制大赦

天下乃立兄子呂台產祿台子通

呂氏所立三王

又云

秋七月皇太后崩上將軍祿相國產

顯兵秉政恐為大

臣所誅因謀作亂時朱虛侯章在京師以祿女為婦知

其謀迺使人告兄齊王令發兵西章欲與太尉勃丞相

平為內應以誅諸呂齊王遂發兵以曲周侯酈商子寄

與祿善使人劫商令寄給說祿曰高帝與呂后共定天

下劉氏所立九王呂后所立三王皆大臣之議事已布

告諸侯王諸侯王以為宜今太后崩帝少足下不急之

國守藩乃為上將將兵留此為大臣諸侯所疑何不速

歸將軍印以兵屬太尉請梁王亦歸相國印與大臣盟

而之國齊兵必罷大臣得安足下高枕而王千里此萬

世之利也祿然

王氏田氏三侯

漢書外戚傳云孝景

其言使人報產

王仲槐里人母臧兒為仲妻生男信與兩女而仲死臧

父

兒更嫁為長陵田氏婦生男蚡勝臧兒長女嫁為金王

封爵部

封爵部

外戚封

孫婦生一女矣而臧兒卜筮曰兩女當貴欲倚兩女奪  
金氏納太子宮太子幸愛之生三女一男男方身時王  
夫人夢日入其懷以告太子太子曰此貴徵也景帝即  
位王夫人生男會薄皇后廢卒立王夫人為皇后男為  
太子武帝即位為皇太后尊太后母臧兒為平原君封  
田蚡為武安侯勝為周陽侯王氏田氏侯者凡三人

### 五人同封

詳第一條

五國並建 東觀漢記桓帝紀云延熹七年十月上幸雲夢

至新野祠公主壽張敬侯廟乙丑詔曰存善繼絕食藉  
德貞武騎都尉樊演高祖父重以光武皇帝元舅扶助  
中興追封壽張侯謚曰敬祖父茂封冠  
軍平望鄉侯五國並建其二絕者祠之

之封 王隱晉書云楊駿為臨晉侯時人

**增** 聞喜侯 府

元龜云竇武扶風平陵人桓思皇后父也延熹八年后  
初入掖庭為貴人帝拜武郎中其冬立為皇后武遷越

駙校尉封槐里侯五千戶明年冬拜城門校尉  
尉靈帝立拜武為大將軍更封武為聞喜侯

封縣君

又云晉王肅妻羊氏武帝外祖母也泰始三年詔曰故  
蘭陵景侯王肅夫人羊氏含章體潤克成家道而早世

未遇休寵皇太后孝思丞丞

永慕罔極其封夫人為縣君

舞陽宣德侯又云何真南陽宛人

靈思皇后父也后選入掖庭光和三年立為

皇后明年追號真為車騎將軍舞陽宣德侯

五侯六子三

又云閭毗代人又云長孫敞太宗文德

爵為王者二人公五

以功除

又云長孫敞太宗文德

城以功除將作少監

以舅氏特寵之

又云竇希城者

也元宗先天元年以希城希球希瓘

封拜外戚吳湊

章敬皇后之弟也肅宗上元中授襄城尉竇應二年始

外戚封郡王

王海云元豐三年御史曹僧以

主兵符易喜怒

續文獻通考云會昌孫忠伯主兵符而

張延齡伯能易人主之喜

外戚封無世

又云嘉靖十

封爵部

外戚封

外戚封

外戚封



陳萬言嫡孫書乞襲吏部張邦奇  
言外戚封無世者上命爲指揮

### 外戚封四

**增**制唐蘇頲授王仁皎開府儀同三司制曰王仁皎盛  
門華緒當代賢戚不言而自有陽秋從信而罔愆風雨  
軒星作範已寵於金穴魯管增輝更芳於玉樹三事斯  
擬百工式瞻俾延椒臺之祥宜助槐庭之理 元張士  
觀高麗國王暉加恩制曰暉秉心直諒賦質貞純早克  
嗣於先猷久服勞於王室身惟國壻寅居賓日之方男  
即皇甥復預乘龍之選築館荷兩朝之眷分茅襲百祀  
之傳祖宗世稱漢藩輔保樂土於三韓父子並爲周司

徒播清風於萬古可高麗國王尚服渥命以介福祺

**原**

表晉庾亮讓封公表曰觀聖賢之於名爵敬戒之甚

重豈先哲宜重之於古而聖朝可輕之於今耶譬猶迴  
太陽以消湛露運滄海以灌燎火其功易成其事易立

**唐**

唐宋之間爲定王武攸暨諸降王位表曰陛下隆

德嗣興鴻基紹復外家諸子降等猶誓於山河主第增

榮在臣更超於等數雖渭陽情重沁水恩多而濯龍之

戚今乃方於五侯綠駙馬之姻古未封於四履私親越

禮聖人之孝理載光冒寵延灾微臣之官謗斯久李

嶠爲定王讓官封表曰臣行能近淺識性凡陋難化之

質非八音所陶不移之愚豈六藝能飾往緣戚屬叨奉  
恩私遂得地列齊封門開魯館承敦叙於九族被徽章  
於五等今光華始旦品物維新方就散秩之輩幸沾朝  
請之流寧可以冒踐槐廷更增茅土陛下懸旌訪逸刻  
像求才朝有白駒之賢野無黃犢之彥方使思皇多士  
必明於至公豈令棫樸能官近廢於親昵臣自審量實  
所不堪伏冀回光斂靄寢紱收綸察臣不移之心矜臣  
非飾之請特停過誤改命才良則白馬丹書不慙於異  
姓和羹作礪不逮於凡庸

**增**碑唐李湛然太子少傅竇希瑊碑曰自祥生石紐祚

啓金刀盛葉與塗山比崇長發將觀津方永文昭武穆  
帝載矢之於典謨累將重侯后族布在於方冊故得國  
華人傑躡振古以騰芳服冕乘軒迄昌辰而益茂莫不  
歌鐘繼響喧喧連北里之音邸館相望藹藹並東都之  
盛 明張來儀滁陽王廟碑曰皇受天命發跡濠梁方  
其始興附於滁陽滁陽先知識聖於微聖有大難王脫  
其羈取彼神龍翼之風雲浴日咸池滌其垢氛龍騰日  
升伊誰之功有相自天寔啓王衷皇奮無旅王命予之  
皇室未媼王命女之謀行諫從肝膽弗疑萋斐之言終  
莫我離秉鉞專征付以閩外顛強蹙驕有衆日大變生

不意卒疾於驚何啓其緒弗享其成皇明日昌旣臣萬  
方剖符錫爵乃侯乃王

**增論**唐李翰漢祖呂后五等論曰孝惠旣崩高后稱制  
侯王諸呂何不可哉若早署祿產之位序親踈之節小  
其國以圖全薄其勢以遠害而陳平周勃亦分茅錫土  
將相之後誓同山河舅甥之國穆若唇齒預閉覬覦之  
心不踐嫌猜之路克復明辟決自我躬高謝壽陵不負  
先帝安有齊兵之觀變代邸之危疑哉

追封一

**增**槐里

柏川

冊府元龜曰漢武帝即位尊皇太后母  
藏兒為平原君追尊皇太后父仲為共

侯仲槐里人也槐里起園邑二百家金史曰統石烈

良弼柏川人世宗時拜平章政事封宋國公居位二十

年成就太平之功一時號稱先儒賢相考曰宋理

賢相卒後追封金源郡王周敦頤汝南伯程灝河

宗淳祐元年追封先儒周敦頤汝南伯程灝河

南伯程頤伊川伯張載邵伯下詳柏川注樸直

沉厚册府元龜曰德宗在奉天贈故武威郡王賈隱

樸直初奉天圍解百僚稱賀隱林曰陛下性靈太急不

能容忍若舊性不改雖朱泚敗亡憂未艾也及是思其

謙言故褒贈有加焉遼史曰耶律撒剌性忠直感

沉厚為乙辛誣廢立殺之乾統間追封遼水郡王

瘴罵賊感文獻通考曰愛魯唐元人世祖時征交趾

李麟頰人至正中守江州討武氏立理宗考曰越

罵賊而死追封隴西郡公與貞同死開元初追復爵

王貞起兵討武氏不克子冲與貞同死開元初追復爵

土貞續文獻通考曰鄭清之鄞縣人以擁立理宗官至

太師累封齊國公迎樞贈印至墓賜策册府元龜

追封魏郡公云迎樞贈印至墓賜策册府元龜

封爵部

武郭皇后又昌真定人任郡功曹建武二十六年后母  
薨帝親臨送葬百官大會遣使者迎昌喪柩合葬追贈  
昌陽安侯印綬又曰鄧訓鄧皇后父也為護羌校尉  
永元二年卒於官元興元年和帝以訓皇后之父使謁  
者持節至訓墓賜策追封  
盧豫平山 高颺渤海 册府元龜曰晉  
元敬盧皇后父故南陽王文學豫為平山縣侯又曰  
後魏高颺文昭皇后父也景明中贈左光祿大夫賜爵  
渤海 鄧香安陽 何真宣德 册府元龜曰桓帝鄧皇  
公 子也后立帝追贈香安陽侯印綬又曰何真南陽宛  
人靈思皇后父也后以選入掖庭光和三年立為皇后  
明年追號真為舞陽宣德侯

追封二

增子孫貴封附

增思成侯

册府元龜曰宣帝地節三年追  
賜外祖王迺始諡曰思成侯

原追尊陰

睦為宣恩侯

東觀漢記陰識傳云建武二  
年追尊貴人父睦為宣恩侯

樊重追封

壽張

又樊重傳云世相即

陰興追封

又陰興傳

興會葬詔使五官中郎將持節至

增追爵宣哀

冊府

墓賜印綬追封加謚曰銅陽翼侯

追爵安成

又云章

云陰隆光烈陰皇后父也南陽人

原

宋楊追封當陽侯

東

七年父勳大司徒融孫也建武

封梁竦為褒親愍

漢記宋楊傳云安帝永寧元年遣

大鴻臚使持節至墓追封當陽侯

侯又梁竦傳云永和元年制詔三公

大鴻臚曰夫孝莫

封諡皇太后父竦為褒親一也

追命外祖以篤親親其追

常侍籍建追封

增家無餘財

太平御覽云胡質薨家

為汝陰東鄉侯

無餘財唯賜衣書篋而

已追封陽

冊府元龜云魏明帝太和

鄉亭侯

追封甄皇后父

元年以中山魏昌之安城

甄皇后父謚曰敬侯

郭永安陽鄉敬侯

又云郭永

封爵部

追封帝母文昭

安平廣宗



人太和四年追謚

郭滿西都定侯

又云郭滿西平人齊王即位追封謚

永為安陽鄉敬侯

曹彬濟陽郡王

紀纂淵海云本朝曹彬追封濟陽郡王

王安

石舒王

文獻通考云宋徽宗政和三年封王安石為舒王配享王雱為臨川伯從祀

追封

朱熹

續文獻通考云寶慶元年追封熹信國公改徽國公

以隱逸追封

又云

字文玉天曆中以

死陳友諒

又云余闕至正十七年守安慶死於陳友諒追

封勳

入敵陣被創

吾學編云河間張忠武王五洪武

兵靖難首用王策奪北平九門攻東昌敵圍上數匝玉

不知所在突入敵陣殺數十百人竟被創沒上哭之食

不下咽即位論靖難功

戰滅渡橋

又云俞忠烈通海

當第一進封榮國公

追友諒至采石

又云張忠

湖州轉戰主減渡橋中流

矢卒贈豫國公改號國公

肥人以舟師來歸友諒犯龍江力

子孫貴封封暉遂

戰追友諒至采石戰沒贈蔡國公

安郡公

冊府元龜云唐張長遜為五原太守會處羅可汗解兵去高祖大悅封其父暉為遂安郡公

徐世勳父

又云武德二年詔徐世勳父上柱國舒國公蓋宜封濟陰郡王

宋璟父

元撫

又云開元六年侍中宋璟亡父元撫襲贈邢州刺史並贈其母崔氏為安平郡夫人

蕭嵩

父灌裴光庭父行儉

又云十七年追贈中書令蕭嵩父灌為吏部尚書門下平章事裴光

庭父行儉

孫逖陳情

又云二十四年中書舍人孫逖上表陳情曰臣父嘉之幸遇明

時早勤學業出身入仕四十餘年纔及令長臣夙荷嚴訓累登清秩頻遷省闈又拜掖垣地近班榮臣則過量

途遙日莫父乃後時在公府有偷榮之貴於私庭無報德之效反慙鳥鳥徒爾鷓鴣伏望降臣一外官特乞微

恩稍霑臣父優詔獎之

李晟父欽

又云德宗興元元年副元帥李晟平

朱泚拜司徒詔贈晟父欽太

有父母並許加恩

又云後唐

明宗天成三年勅中外臣僚及諸道節度使等有父母者並許加恩

李瓊來歸復父官

封爵部

爵

續文獻通考云李瓊全之子為蒙古江淮大都督景定三年以京東來歸詔封為齊郡王復其父官爵

自金歸元

又云焦用自金歸元後以子德裕貴封恒山郡王

追封祖父母

父母

又云世宗嘉靖八年令凡孫襲祖爵者得追封其父母曾孫襲曾祖爵者得追封其祖父母父母旁

支襲爵者得追封其本生祖父父母妻先故者得追封為妯

追封三

增子孫貴封附

**增制**元閻復追封伯夷叔齊制曰昔居北海之濱移廟

東山之上休光垂於千載餘澤被於一方永懷孤峻之

風庸示褒崇之典於戲去宗國而辭周粟曾是列爵之

可縻揚義烈以激清塵期於世教之有補可追封伯夷

為昭義清惠公叔齊崇讓仁惠公 姚燧左丞許衡贈

官制曰許衡玉裕而金相準平而繩直出處則惟義所  
在言動必以禮自持休休焉有容屬屬乎其敬行已似  
秋霜烈日化人如時雨和風來席下之摠衣滿戶外之  
列屨今既亡矣誰其嗣之於戲在爾身有垂沒世之名  
於朕心有失同時之恨可追封魏國公謚文正 閻復

丞相伯顏贈謚制曰伯顏崆峒孕秀列象騰精居政府  
則不動聲氣措泰山之安秉戎律則純乎仁義猶時雨  
之降當其聲鶴浦渝盟之罪總龍驤飛渡之師克廣世  
祖好生之心允獲宋人誠服之意衣冠不改市肆不易  
恩威普洽於三吳車書以混文軌以同聲教遂覃於百

粵逮朕纂承之始益申推戴之誠永懷社稷之宗臣宜  
侈河山之高爵於戲曹侍中江南之役規摹一何小哉  
郭汾陽異姓而王崇報斯亦至矣可追封淮安王謚忠  
武元明善中丞于璋贈謚制曰于璋志蘊忠貞運逢  
熙洽慶雲甘露氣和而動植自宜威鳳祥麟瑞應而猛  
鷲咸伏結深知於世祖參大政於武皇澄清每振於憲  
綱動靜允維於國體逮朕嗣服名卿來廷賜以繡衣執  
法應中端之象專茲白簡行軺寬南顧之憂遽何馳計  
之聞盍有崇褒之渥於戲劉寬長厚允宜居鼎鼐之司  
胡廣中庸謂當久臺閣之任事乖往古恩慰九原可追

封薊國公謚文簡

明王禕中書平章政事常遇春追

封開平王制曰常某英敏而沈毅嚴肅而恢宏自初建於義旗即來歸於戎旆首從淮右揚采石之鋒旋定江東振丹陽之捷拓邊疆於全楚殲強敵於三吳掃河洛而奠中原指幽燕而平朔土功成百戰允爲一世之豪氣蓋三軍豈特萬人之勇近報灤陽之凱益窮漠北之追攬哀訃之遽來知力疾而猶戰眷言忠蓋深用痛傷海宇一家旣已成於大統君臣同體期共享於太平事乃若斯情何能已秩庸陞於次相爵兼錫於真王雖禮數之有加於予心其有歉

**增**碑明宋濂東丘郡侯花公雲墓碑曰皇上渡江之六年庚子夏僞漢主陳友諒以舟師入寇圍太平樞密院判官花公率麾下三千餘人結陣迎戰三日賊不得入城中乏食公士馬憊城陷賊縛公急公怒奮身大呼縛盡解起奪守者刀殺五六人罵曰虜非吾主敵也曷不趣降賊怒碎公首縛於舟檣衆射之公至死罵賊不少變已而賊犯龍江上命諸將力戰賊敗去後五年上即吳王位追封公東丘郡侯 陶凱追封徐王廟碑曰洪武四年夏六月丙申皇帝御皇宮門召禮部尚書陶凱諭之曰皇后父徐王馬氏世為宿州人家閔子鄉新豐

里王本民家素質樸以兄弟齒序人稱之曰馬某王少壯時膂力過人沉毅寡言笑重然諾而性剛強疾惡見有爲不義者視之若仇讐然或少忤其意輒肆毆擊雖至死無所畏憚鄉人莫敢犯當元政失馭天下將亂王以忿爭殺人恐逮於法移家定遠及天下大亂乃挈皇后母避兵他所而以皇后託定遠郭氏俾育爲己女後郭氏首難自爲元帥收鄉民兵朕亦爲部下士遂以皇后爲朕之配既定天下即皇帝位皇后正位中宮封皇后父爲徐王母鄭氏爲徐王夫人以他無繼嗣因立廟於太廟之東歲時奉祭

蘇伯衡岐陽武靖王勲德碑



曰皇上誕膺天命統一萬方羣才輻輳共爲帝臣傑出其間而受上將之任者固非一姓至其生建國爵而死啓王封者僅四人焉曰徐中山王曰鄧寧河王曰常開平王而岐陽王其一人也

**增**子孫貴封詩明吳寬送楊君謙致仕曰昨者見章疏陳情欲長號謂臣心腹間有疾刺如刀自宜鍼石惡不任簿書勞蒙恩賜封典父母喜俱叨雨露不知感臣豈如蓬蒿壯年可驅策正合從時髦臣實自知愧奈緣病相遭

**增**制宋蘇軾司馬光曾祖政贈太子太保制曰臯陶邁

種德種之遠故其發也難發之難故其報也大古之君子有種德於百年之前而待報於數世之後者昔聞其語今見其人某官某篤行有聞信於鄉國懷道不試遺其子孫天不吾欺再世而顯至於曾孫其德日躋袞衣繡裳進位於朝退有事於家廟其致朕命詔於有神

元元明善平章董士選贈三代制曰董士選曾祖父昕畎畝怡愉里閭退讓開田種木深期蔽日之輪困如山出雲莫測爲霖之變化子能擇主孫亦象賢一門萬石之家聲四世五公之譜牒於戲慎終追遠分茅宣曾矩之光崇德報功推本叶孫枝之願亶茲異渥寵爾營魂

宋本丞相伯顏祖考封謚制曰伯顏祖考故千夫長  
阿刺沉毅而窮力忠勤而小心從役忽禪奮蛇矛而深  
入扈征蜀道裹馬革以長終賢勞宿著於生平陰隲益  
隆於身後天開神聖闢中土而大同地隔江淮獨東南  
之未下廼生孫子一我寰區肆加命數之隆用極褒崇  
之典可追封淮安王謚武康 王構翰林承旨姚燧父  
楨贈官制曰楨名門甲姓偉望通才初與長公聯芳於  
西洛繼爲虜使持節於南壩以拯濟生靈爲心以拔揚  
茂異爲任芟艱危而靡恤期德澤之不揚所全活者幾  
千人若昔鄧公之河役其往依者五百室非惟李氏之

義門奚我生之弗辰竟以死而勤事風雨憂時之畧有  
鬱於中菑畬名世之規以貽於後於戲貞風千古歸然  
不廢魯靈光太中一家嗣者無慙漢司馬可追封魯國  
公謚忠獻

**增表**唐常袞謝贈官表曰臣授任非據尸位已淹合上

叩公朝退身私第固以未俾神化誓答皇慈尚塵青瑣  
之闈猶污玉堂之署乾坤施厚歲月恩深今又念及先  
臣旌其內訓寵以六官之長榮極三師之列魚軒表於  
東海翟茀賦於南都宗祏有儀春秋有祀屬當禁火歸  
省先塋便奉除書以時昭啓洒雨露於松柏懸日月於

丘封閭里相榮故老垂泣 權德輿謝追贈父母官表

曰臣齟齬之歲孤苦零丁遭逢昌運忽至台司無能受  
祿莫與臣比以先臣之名器未稱餘慶或鍾蒙陛下之  
寵秩逾涯此生何幸 唐良士代韋令公謝先人贈官  
表曰臣父受教儒門宣力王室雖典司綱轄而未及崇  
班臣逮事休明謬登清貴常恐不克負荷忝辱祖宗豈  
謂陽和之仁因下炎上雨露之澤自葉流根大府名藩  
位秩崇重授之庶姓罕有其倫是臣父著績於先朝蒙  
寵於今日臣事君之節未效涓塵爲子之方已榮松檟  
感恩思報豈謂爲忠覆族殞身孰之非孝

**贈**碑唐顏真卿郭子儀家廟碑乾元三年下詔曰故壽州刺史郭敬之累君子之行毓達人之德才光文武政美中和生此大賢爲我良弼於是鬱興神武之師克掃欃槍之氣而子儀帥彼勁卒赫然先驅取京洛如拾遺剪凶殘猶振槁功存社稷澤潤生人是用寵洽哀榮義申存沒累追贈太保

淵鑑類函卷一百二十